

WANUNA LOYI A

BALEKELAKA VUKONA BYA HOSI

 A hi korhamiseni tinhloko ta hina. Xikwembu lexi rhandzekaka, hi tsakile eka ndzhengha lowu eka nkateko lowu wu hi hlanganiseke kun'we nakambe. Kutani hi Wena ntsena, Hosi, u tivaka hilaha timbilu ta hina ti nga navela ngopfu awara leyi laha hi nga yimaka emahlweni ka vanhu va Wena nakambe lahwani, kutani hi tisa Hungu leri laha hi khumbhekeke swinene leswaku i ra xihatla eka awara leyi. Wena u nga hi longoloxa eka masiku lawa mantsongo sweswi, kutani ha khongela, Xikwembu lexi xi rhandzekaka, leswaku voko ra Wena ra tintswalo ri va ehenhleni ka hina, ku hi letela ni ku hi kongomisa. Ni kuva u hi nyika swilo leswi hi swilavaka, Hosi, hikuva timbilu ta hina ti navela kuva ti Ku tiva ku antswa.

² Hi vona nsimu ya ntshovelo lowukulu, wo basa, wo vupfa, ni kutiva leswaku ndoho yi lulamerile sweswi eka nkarhi lowukulu wo huriwa. Xikwembu lexi rhandzekaka, ha khongela leswaku U ta tlhorhela makamba lawa ya nga hi rhendzela, hi pfumeleli hi pavalala eVukoneni bya N'wana sweswi, masiku nyana lawa mantsongo, kutani hi vupfela Mfumo wa Xikwembu.

³ Katekisa risimu rin'wana na rin'wana leri ri nga ta yimbeleriwa. Katekisa xikhongelo xin'wana na xin'wana, kutani u hlamula un'wana na un'wana loyi a nga ta khongela, Hosi. Ponisa hinkwavo lava lahlekeke. Vitana va vuyela endzhaku endlwini ya Xikwembu lexi xi hanyaka, leswaku va va ni xinakulobye, lava va nga hangalaka.

⁴ Ha khongela, Xikwembu, leswaku U ta hanyisa un'wana na un'wana loyi a vabyaka loyi a taka ehansi ka lwangu ra hina. Hi nyike swona, Hosi. Leswaku ku ngavi na munhu na un'we exikarhini ka hina loyi a nga riki na matimba emakun'wini ya tinhlengleletano leti.

⁵ Kutani, Xikwembu lexi rhandzekaka, eka hina, hina lava hi koxaka leswaku hi Kereke eka awara leyi, lava va nga Vitaniwa, lava va nga rhendzeleka hi misava lava va humaka eBabilona kutani ku tava na xiave eka xinakulobye xo saseka eka siku leri ro hetelela, ha khongela Xikwembu leswaku U ta katekisa timbilu ta hina hi ndlela ya leyo. Hi ni ndlala hi ntiyiso, Hosi, kutani hi chululi eka swilo hinkwaswo swa misava, leswi hi switivaka. Hosi, hi vekile etlhelo ku tikeriwa hinkwako loku ku hi hingakanyaka, kutani hi pfumeleli sweswi

hi tsutsuma mphikizano lowu hi ku tiyisela, lowu wu vekiweke emahlweni ya hina. Hi nyike swona, Tatana. Leswaku hi nga hava lava tatiweke, vo tiya, Vakreste vo antswa, emakun'wini ya nhlengeletano leyi, ku tlula hilaha a hi ri xiswona loko hi nghena. Leswaku Xikwembu xi nga ha kuma ku kwetsima hinkwako, ha swikombela hi Vito ra Yesu. Amen.

⁶ Ndzi ehleketa leswaku lowu i nkateko wa kahle, madyambu lawa, lowu a ndzi wu languterile eka nkarhi wun'wana. Siku rin'wana a ndzi ri eku byeleni ka nsati wa mina, ndzi ku, "Ndza rhurhumela swinene, loko ndza ha yimele ku nghena etabernakeleni." Ntsena ndzi...a ndzi ri na vanghana van'wana, hakunene, ndza pfumela, ku rhendzeleka hi misava, kambe ku ni swin'wana hi tabernakele leyi lahwani.

Ndzi humesiwile eka ritshuri leri nga lahwani, loko Xikwembu xi ta ndzi nyika vutomi kwalahawani emisaveni; kutani ndza tshembha, loko A nga hlwela, ndzi ta lahleriwela kun'wana kwalahawani. Loko A vuya, U ta ndzi kuma kun'wana lahwani.

⁷ Kambe, swi languteka tani hiloko, kuri ni swin'wana, loko ndzi ya ehleketa hi Jeffersonville. Siku rin'wana ndzi kumekile ndzi ri na xivundza; ndzi ku eka nsati wa mina, ndzi ku, "Ndzi navela ekaya, nakona a ndzi switivi leswaku hikokwahalo ka yini ndzi navela ekaya, handle kaloko kuri vanhu lava va ndzi khongelalaka." Ndzi ku, "Kunene, ndzi ta...Nchumu wun'we ndzi wu tivaka ku wu endla i ku tlhelela endzhaku hi ya va ni tinhengeletano ta masiku ya ntsongo, hi vona loko leswaku a hi nge kumi swin'wana leswi swi humaka eka Hosi, kumbexani Xi hi lava leswaku hi tiva swin'wana."

Kutani leyikulu, dyondzo leyi hi nga na mhaka na yona leyi hi nga na yona emahlweni ka hina sweswi i *Vukati Ni Ku Thalana*. Kutani loko kuri ni xivutiso, ku fanele kuva ni nhlamulo. A ku ngevi na xivutiso ku nga ri na nhlamulo. A swi na mhaka ni leswaku i yini, ku fanele kuva na nhlamulo. Loko Hosi yi swi rhandza, ndzi lava ku ringeta ku vulavula hi sweswo, hi Sonto ni mixo.

⁸ Kutani swingaleswi, madyambu ya mundzuku, ndzi ehleketa leswaku hi tava hi ri lahwani e...Xana xikolo lexi vari i mani? [Makwerhu Neville a ku, "Parkview."—Muhler.] Parkview odithoriyamu. Yini, nkulukumba? ["Parkview Junior High."] Parkview Junior High. I va ngani va xi tivaka leswaku xi le kwihi? Kunene, ndzi pfumela leswaku va ta vekela tisayini ehandle, a ve nge tivekeli xana Makwerhu Neville? ["Ina."] Ku...Ntsena xi kwalahawani kwalomu—kwalomu ka tikotara tinharu ta mayili, nakona ku tava na sayini. Mi tlhelela endzhaku, epatwini. I wo saseka, muako lowu wu nga tlakuka. Wu ni tindhawu leti hi nga tiseketelaka mavoko ya hina kona, ni ku tsala tinotsi leti mi nga ti tsalaka, ni—ni—

ni swin'wana. Nakona ndzi na ntiyiso wa leswaku mi ta ti phina hi wona swintsongo ku tlula hilaha a mi tava xiswona, maendlelo yo krempa eka tinhlengeletano lahawani eka—eka tabernakele. Kutava kuri ni ndhawu yo tala, ni tindhawu to tala to pakela kona.

⁹ Sweswi, ndzi ehleketa leswaku va ni nawu nyana lowu hi fanelaka ku tshembhisa ku tshama na wona, walowo a kuri, hi leswaku a hi fanelanga ku ya endhawini liya loko ku nga se fika kwalomu ka hafu ku bile awara ya ntsevu. [Makwerhu Neville a ku, "Ku nga se fika hafu ku bile awara ya ntlhanu; a hi yi lahaya ku nga se fika hafu ku bile awara ya ntlhanu."—Muhleri.] Nakona kuva kuri nkarhi muni... ["Tinyangwa ti pfuriwa hi hafu ku bile awara ya ntsevu."] Ndzi pfumela leswaku ku tava kuri miehleketo ya kahle eka hina kuva hi fika kwalahaya hi hafu ku bile awara ya ntsevu.

Sweswi, va ni odithoriyamu yin'wana lahawani edorobeni ley iyi tshamisaka ntsevu wa magidi. Loko hi twa hi ri kahle eka lowu, va nga hi pfumelela leswaku hi va na yin'wana nkarhi wun'wana ya nhlengeletano leyikulu, kumbexani ximumu lexi loko ndzi ta vuyela endzhaku endzhandzheni wa malwandle.

¹⁰ Kutani ndzi ehleketa leswaku ku nga ha tshama ku fika... I va ngani lava hi nga tshamaka kwalahaya? [Makwerhu Neville aku, "Hi nga tshama hi ri kwalomu ka mune wa magidi."—Muhleri.] Mune wa magidi. Swingaleswi, maswivona, hi tava hi ri ni ndhawu yo tala. A ku ngevi ni ku kwetlembetana. Kutani swingaleswi fikani hi hafu ku bile awara ya ntsevu. Leswaku un'wana na un'wana a nga ha nghena hi nkarhi wa kahle, un'wana na un'wana kun'we, kutani ndzi na ntiyiso wa leswaku mi tava—mi tava na vutshamo bya kahle. Nakona wu tlakusiwile ku kotisa *lowu*, na—na ndhawu laha mi nga kotaka ku tsala ni kuva mi teka tinotsi, ni kuya emahlweni. Kutani ya leyo yi ta sungula, loko Hosi yi swi rhandza... .

¹¹ Ndzi ehleketa leswaku sweswi, madyambu lawa, laha ku nga nhlengeletano ya xikhongelo xa madyambu ya Wavunharhu, hi na... Ndhawu ntsena yi lava ku tala, swingaleswi ndzi ehleketa leswaku swa antswa hi sungula madyambu ya mundzuku. Hi yi hirhile ntsena hi ku tshembhela leswaku kumbexani, loko hi tava hi ringanerile hi ku manyana lahawani, hi nga haya ehenhla lahaya. Kambe ndzi pfumela leswaku i... swi tava swi antswa kuva hi gonya ehenhla, a wu ehleketa swona, Makwerhu Neville, ku va hi gonya kona madyambu ya mundzuku? Kutani i va ngani lava va ehleketa leswaku yaleyo ku tava kuri miehleketo ya kahle? Kutani hi tava hi ri na ndhawu yo—yo tala. Khale yi—yi hirhiwile; yi hakeleriwile hi van'wana va vamakwerhu lava va nga lahawani ekerekeni. Yi hi durhele ntlhanu wa makume wa tidolara hi

vusiku byin'we, laha ku nga, ku nga... Loko a ndzi ri na wona walowo hinkwako, lowu wu nga tshamisaka votala hi ntlhanu wa makume ya tidolara hi vusiku byin'we, muako lowuntshwa, wa xiteji xa kahle. Nakona, kambe hi ni...

¹² Hikokwalaho, hi tava hi teka na minyikelo, ndzi fanele. Nakona a hi swilavi leswaku vanhu va vona va wu hakela hi vox; hi ta wu hakela...hi ta va tlherisela mali ya vona. Kambe loko hi kuma swikweleti swa hina na swin'wana swi ri, kahle, swingaleswi, hakunene-nene, ha tshika ku teka minyikelo. A hi nge swi endli...

¹³ Loko kuri ni valuveri va nga na hina, hi endlile nawu wa lowo, leswaku hi nga kombeli, ku bambetela, hi sukumeta vanhu hikokwalaho ka mali. Hi hundzisa ndhichi yo nyikela kona, laha ntsena ku nga... Walowo wo va nawu wa vukhongeri. Ndzi swi ringetile, minkarhi yo tala, ku ngari hambi kuri ku hundzisa ndhichi yo nyikelela kona, eka hinkwaswo, kambe a swi tirhi. Wa vona? Hikuva, ku nyikela i xiphemu xa vukhongeri bya hina. I xiave xa nfanelo ya hina. Swingari na mhaka kuri i fayideni, hambi ku ngava yini, kumbe peni, hinkwaswo swi...

¹⁴ Swingaleswi ma switsundzuka, leswaku Yesu u vonile noni yi hundza, siku rin'wana, laha swifumi a swi chela yo tala mali enkwameni. Kutani noni leyi yi hundza, kumbe a yi ri yi ntsongo nyana, na vana lava avari na ndlala va ri karhi va ri etlhelo ka yena, kutani a nyika hinkwaswo leswi a ri na swona, tipeni tinharhu. Kutani Yesu a ku, "I mani a nga nyikela ngopfu xana?"

¹⁵ Sweswi, loko a ndzi yimile lahaya, a ndzi ta ku, "U nga swi endli, sesi. Hi—hi, languta, hi ni mali yo tala." Kambe A nga kalanga a n'wi yimisa. Wa vona? A—A switiva leswaku U na swin'wana leswikulu a nga n'wi khomela swona endleleni. Swingaleswi, wa vona, endzhaku ka hinkwaswo, a ri ni kaya eku Kwetsimeni, laha a yaka kona. Nakona A nga kalanga a n'wi yimisa. U n'wi pfumelerile a hoxa tipeni ti nharhu, hikuva hi leswi a lava ku swi endla. Nakona a lava ku endla swona; na vana, kutani noni, nakona a ri ni tipeni tinharhu ntsena leti a fanela ku hanya hi tona. Wansati, u lave ku endla sweswo. Swingaleswi, maswivona, loko vanhu va lava ku nyikela, u fanele u va nyika nkarhi wo swi endla.

¹⁶ Kambe ndzi ehleketa hi lava va nga yima, ni vanhu lava va nge, "I mani a nga ta humesa ntlhanu wa makume ya tidolara? I mani a nga ta humesa makume mbirhi wa tidolara?" Ndzi ehleketa leswaku sweswo swi vavisa vutlharhi bya n'wina—bya n'wina. Ndzi—ndzi ehleketa leswaku vanhu va switekela enhlokweni leswaku swi lava mali ku—ku fambisa e—e enhlengaletano. Nakona a ndzi kalanga ndzi va pfumelela ku swi endla, timininjhhere. Ndzi teri, "Hambi loko mi lava ku

swi endla sweswo, swingaleswi i nkarhi wa mina wo tlhelela etabernakeleni. Swingaleswi, a hi nge swi endli sweswo.” Kambe ndzi—ndzi ehleketa leswaku hi fanerile ku fambisa ndhichi ya minyikelo, hi—hi ku endlela leswaku hi swi endla swi va nhlengeletano leyi yi nga hetiseka ya vukhongeri.

¹⁷ Kutani swingaleswi hakanyingi va tava vari karhi va fambisa ndhichi ya minyikelo madyambu man’wana na man’wana, va vula swin’wana swo fana ni leswaku, “Kunene, hi ta teka minyikelo sweswi.” Kutani va ta fambisa ndhichi ya minyikelo, kutani sweswo—sweswo ku tava kuri makumu ya swona.

¹⁸ Nakona madyambu man’wana, loko Hosi yi swi rhandza, ndzi pfumela leswaku Hosi yi vekile embilwini ya mina Hungu ro tiboha eka Kereke. A ndzi ri exikhongelweni masiku yo hlaya. Kutani ndzi ngaka ndzi nga ngheni eka sweswo, hikuva xiendlekalo lexikulu xi humelerile siku rin’wana lexi a xi ri kahle hakunene. Kutani a ndzi hisekela ku mi byela ha swona. Kutani sweswi, dyondzo nkulu ya kona, ndzi fanerile, laha vunyingi bya vona hinkwavo, Billy u teri, a ri eku vitaneni, a ri eka *Vukati Ni Ku Thalana*. Laha, ku nga—ku nga dyondzo leyikulu, nakona a ndzi—ndzi switivi leswaku ni nga yi nghenisa ku yini. Kutani ndzi yile ndzi ya yi khongeleta, kutani Hosi yi hlanganile na mina. Kutani ndza switiva leswaku ndzi, hi... a ndzi na yona, kambe Xikwembu xi ndzi nyikile; ndzi na yona sweswi. Xikwembu xi ndzi nyikile nhlamulo ya kahle, wa vona, wa vona, nakona ndza—ndza switiva leswaku yi ntiyiso.

¹⁹ Kutani swingaleswi a ndzi switivi ntsena kahlekahe sweswi, kumbexani, hi Sonto ndzi nga ha kombela vasesi va hina leswaku va tlula nhlengeletano, vona hi vox, kambe a—a ndzi switivi. Ndzi ta tshembhela eka yona loko vavasati lava tekiweke va lava ku ta ni vavanuna va vona. Ku ni—ku ni swin’wana leswi swi tiyeke hakunene kuva swi vuriwa, ntiiyiso wa swona, nakona njhani...Kutani hakunene hi lava ku yi humesela ehandle, ya LESWI HOSI YI SWI VULAKA, swingaleswi mi na yona sweswi. Ma wu tiva Ntiyiso leswaku i yini sweswi. Nakona ndzi tshembhele eka Xona ku swi endla sweswo.

²⁰ Kutani, sweswi, a ndzi ri ehenhla lahawani eka rhestuwarente siku rin’wana, ni ri ekudyeni, kutani—kutani Jerry na hinkwavo ka vona a va milangutile hinkwerhu. Va teri, va ku, “Kunene, hina...” Van’wana, rin’wana ra majaha a vari kona, u teri, nakulorhi loyi u teri, “Ndzi ta huma kahle vhiki leri,” a ku, “va ni... Kumbe, mavhiki lamambirhi ya taka.” A ku, “Va ni—ni nhlengeletano lahawani, ya basketball, kumbe swin’wana.” A ku, kutani a ku, “Branham ehansi lahaya, u ya ekuveni na nhlengeletano.” U teri, “Ndzi ta phamela vanhu hinkwavo.” ERanch House, yin’wana ya tindhawu leti nga ehenhla lahaya. Kutani va ni...va ri kahle hakunene.

²¹ Kutani ndza mi amukela hinkwerhu ka n'wina, hikuva hakunene va mi buma-buma va vula swakahle ha n'wina.

²² Mininjhhere ehenhla lahaya eRanch House u hlanganile na mina mixo wun'wana. Ndzi nghenile hikwalomu ka hafu ku bile awara ya mbirhi, ku suka eArizona. Hiloko a ku, "Kunene, Makwerhu Branham," a ku, "Ndzi twe leswaku u ya va na nhlengeletano yin'wana." A ku, "Ndzi ni van'wana va nga ta ndzi pfuna," a ku. Kutani a ku, "Swingaleswi ndzi lava ku vula nchumu wun'we, leswaku vanhu lava vona lava va humaka ehansi lahaya," a ku, "hakunene i vanhu va kahle." Sweswi, sweswo swi ndzi endla ndzi titwa kahle ha n'wina, wa vona.

Hikuva, endzhaku ka hinkwaswo, ndzi titwa ndzi ri wa muxaka wa leswaku mi vana va mina, nakona ndzi—ndzi...kumbe, vana, kumbexani. Kutani swingaleswi ndzi...N'wana u kongomisa eka mbuti, nakona a mi mbuti. Mi swinyimpfana swa mina. Swi njhani sweswo? Mi swinyimpfana swa Hosi leswi Xi nga ndzi pfumelela leswaku ndzi swi phamela. Nakona ndzi tshembha leswaku xi ta—xi ta...leswaku Xi ta ndzi pfumelela ndzi swi endla sweswo. Hi ya ehansi hi patu.

²³ Kutani hi *Vukati Ni Ku Thalana* loku, ndzi lavile ku vulavula hi kona kusukela hi nkarhi wa Swilemo Swa Nkombo leswi. Maswitiva, xihu—...Swihundla hi nkwaswo swi fanele ku tivisiwa eka vona, kuva va pfuleriwa Swilemo Swa Nkombo, swihundla hinkwaswo swa Bibele. Nakona ndza ehleketa sweswi, kuva ni maendlelo yo dyuhala, ndzi—ndzi ehleketa ndzi...A ndzi ehleketa leswaku swi nga antswa loko ndzi nga swi nghenisa eka thepi, hambi loko kuri ni swin'wana leswi nga ndzi humelelaka, swingaleswi Kereke yi nga hlamala, "Yi hlamala leswaku kasi o va na yini emiehlekeweni? A nga vula yini xana?" Kutani hinkwato tidyondzo leti ti tikombaka ti tika; ndza ehleketa, ku...hi ku pfuniwa hi Hosi, ndzi ta ringeta ku mi tisela tona. Kutani swingaleswi—swingaleswi loko swin'wana swi humelela, kutani loko swi nga humelela leswaku ndzi famba A nge se vuya, mi—mi tava na swona swikandziyisiwile.

²⁴ Ndzi ehleketa leswaku hi ni tibuku tin'wana tintshwa leti nga humesiwa. Ndzi vona Sesi Vayle; a ndzi switivi loko dokodela a ri kona kumbe a ngari kona. Xana u kona kwalahawani, Sesi Vayle? A nga hava a ri kona enhlenglestanwini. A ndzi n'wi voni. Kambe, oho, ina, halahaya endzhaku. Kutani Makwerhu Vayle u tsarile buku, kutani i ya...ndza ehleketa, ndzi pfumela leswaku namuntha va teri, timbirhi. Makwerhu Vayle, a hi swona xana, u na timbirhi sweswi lahwani? Tibuku timbirhi. Sweswi, a ndzi switivi, ndzi...Hi ndlela leyi ndzi swi twisisaka xiswona, leswaku munhu un'wana na un'wana a kuma khopi. Swingaleswi ndzi...Loko n'wina...Yaleyo hi yona ndlela leyi ndzi swi twisisaka ha yona. Ndzi nga hava ndzi hoxile eka sweswo.

²⁵ Kutani swingaleswi *Tinguva Ta Tikereke Ta Nkombo* ti herile (a hi swona xana, Makwerhu Vayle?) nakona tile ku printiweni sweswi. Kutani ndza switiva mi ta lava ku ti kuma, hikuva tihlamula swivutiso swo tala leswi swi nga etimbilwini ta n'wina. Kutani endzhaku ka sweswo, kunene, hi ta ringeta leswaku ku pfuriwa *Swilemo Swa Nkombo*, maswitiva, ebukwini, leswaku un'wana na un'wana a nga ha hlaya hi xivumbeko lexi va—lexi va xi lavaka, va kota ku twisisa ni ku swi dyondza. Ndzi ehleketa leswaku loko swi tsariwile, loko swi...

²⁶ Xo sungula, hi switeka swi suka eka thepi, hi ndlela ley i swi nga tsarisiwa xiswona kumbe ku vuriwa. Maswitiva, u nga ha chumayela nchumayelo, i nchumu wun'we, kutani ku tsala buku hi swin'wana. Wa vona, ku kotisa loko ndzi swi khumbha eka dyondzo, ku kotisa loko ndzi swivula eka n'wina, mi ta swi twisisa, ndzi nga ku, "Sweswi, mbewu ya nyoka," wa vona.

Kunene, sweswi, muhlayi wa buku ya leyo, loko u swi susa sweswo, u nga hlamala leswaku, "Xana mbewu ya nyoka i yini?" Wa vona? Kutani va ngaka va nga switivi. Loko sweswo swi humelela eka ndhawu yo kotisa Princeton kumbe kun'wana, kutani va—va ta ehleketa leswaku hi vanhu lava nga tlharihangiki.

Swingaleswi ndzi kumile Makwerhu Vayle leswaku a ndzi pfuna hi leswi ni ku hlayisa ntila wa mianakanyo yin'we, ni ku swi nyika ririmbi. Kutani ndzi na ntiiyiso wa leswaku ririmbi ra mina... Ku tava kuri xihundla eka vona, i ntiiyiso hakunene. Swingaleswi... Makwerhu Vayle u kahle swinene eka sweswo, swingaleswi u tani hi...

²⁷ Swingaleswi, eka sweswo, ndzi ehleketa leswaku makwerhu wa hina wo hlawuleka a nga hava a tekile nyana nhlohloteloo engeteleka, hi ndlela yin'wana, kutani u teri u ya eku tsalenii ka tibuku to tala ta yena, ti sukaka eka vona, tani hi sweswo. Swingaleswi u tsarile yin'wana leyitaniwaka, ndza pfumela leswaku i, *Muprofeta Wa Makume Mbirhi Lembe Xidzana*, ni yin'wana, *Kereke Ya Laodekiya*, ndza pfumela, kumbe swin'wana swo fana ni sweswo.

²⁸ Kutani Billy u ndzi byerile sweswo, madyambu lawa, leswaku ndza pfumela leswaku magidi yo tala ya vona ya ta fika namuntlha; un'wana u va tisile kusuka eTexas. Kutani swingaleswi, vona, va tava kwalahawani. Kutani va ta switivisa, ndza ehleketa, laha va nga tava va ri kona. Ndzi ehleketa leswaku va seketeriwile. A ndzi na ntiiyiso. Kutani loko vari tano, mi ta phakiwa tona, maswivona, na n'wina, mahala. Kutani ndza tshembha matiphina hi swona. Kutani loko mi swi endla, tlhavulani Makwerhu Vayle hi voko endzhaku lahaya mi n'wi byela hilaha mi swi amukelaka ha kona. A ndzi se tshama ndzi yi hlaya, hi vumina. Loko ndzi nga

ti hlaya, ndzi nga ha ncinka miehleketo ya mina ha sweswo, swingaleswi ndzi ta ringeta ku ti hlaya vhiki leri loko ndzi kuma nkarhi, loko ndzi nga swikota.

²⁹ Sweswi kuva ku ri madyambu ya Wavunharhu, nhlengeletano ya hina yi ta sungula ximfumo madyambu ya mundzuku. Kambe ndza ehleketa, kuva lahawani exikarhini ka n'wina, a ndzi—ndzi—ndzi nge tshami ntsena ehenhla lahaya endlwini ni—ni kutiva leswaku hinkwerhu hi lahawani. Ndzi... Ntsena tani hi sweswo, maswitiva, ku kotisa n'wina vanhu lava mi nga maxaka mi nghenaka, maswitiva, kutani mi tsutsumela ehansi emakun'wini ya ntila ku ya va hlanganisa, maswitiva. Nakona—nakona ndzi—ndzi ehleketa leswaku ntsena ndzi nga tsutsumela ehansi ni—ni ya mi amukela eJeffersonville. Swingaleswi vhiki leri ro hetelela ndzi kwalomu...

Ee, ndzi khomeleni, a swi ri kwalomu ka mavhiki manharhu lawa ya nga hundza, a ndzi vuya ekaya. A ndzi humile ku ya ringeta ku... A ndzi ri eka tinhlengeletano tin'wana eArizona lahaya, kutani ndzi vuyerile endzhaku ku ta ringeta ku wisa. Kutani ndzi yile emahlweni ni rendzo ro hlota, nakona ndzi—ndzi na nghala ya rhikhodo ya mfumo wa Arizona. Ndzi n'wi hlongorisile eka timayile ta makume mbirhi ta timhandzi leswaku ndzi n'wi khoma.

³⁰ Kambe swingaleswi hi ku ehleketa, hambi swi ri tano, sweswo a ndzi kalanga ndzi swi ehleketa loko ndza hari mufana lontsongo... Ntsena ku kombisa hilaha swilo leswi swi humelelaka ha kona, xindhawani nyana lexi Hosi yi nga hi nyika ehenhla lahaya, hi nhweti leyia hiri ehandle lahaya, ni xikolo xa vana.

A ndza ha ri mufana. Ndza pfumela leswaku Jimmy Poole u kwalahawani madyambu lawa, kumbexani tatana wa yena u kwala, Jim lonkulu. Hi nghenile swin'we xikolo, kutani ndzi tsundzuka loko ndza ha tshamile kwalahaya, tani hi n'wana lontsongo wo khwaxa wa khale, ni tintanghu, tintanghu ta thenisi a nga timbala, swikunwani swi humile eka tona; a lomba xiphemu xa phepha eka un'wana, na penisele eka un'wana.

³¹ A ndzi toloverile ku tsala swiphato. Kutani Manana Woods, lahawani, u ndzi twile loko ndzi tibumabuma hi sweswo ndzhengha wa namuntlha eka thepi, hi Ford ya mina ya xikhale, maswitiva, nakona i ya—i yo saseka. Sweswi, u teri, "Kunene, u fanele u xi rhumela xexo eka Nkul. Ford."

Ndzi ku, "Ku ni ntiyiso wo tala, ndza pfumela," hi ku gudlagudla emahlweni, na ku gayeleka emakumu, ni xiphaza xa gere ya xidirayivha xa xi China. Kambe ndzi... I—i... Kambe minkarhi hinkwayo ndzi ri, nchumu wun'we lowu ndzi fanelaka ku wu endla i ku hlaya mathayere ya mune, ni ku yi ninginisa leswaku yi ta stata ivi ni nghena eka yona. Ndzi ku, "A yi ri kahle loko ndzi nga yi stata exigangeni, ntsena ndzi yi koka nyana swintsongo hi ku nonoka, ni ku, 'I ngaku ndzi

ta swikota, i ngaku ndzi ta swikota, i ngaku ndzi ta swikota.' Kutani ndzi stata, eka tlhelolo lerin'wana, ndzi ku, 'I ngaku ndzi ta swikota, i ngaku ndzi ta swikota.'"

Yaleyo hi yona ndlela leyi hi kokaka xiganga lexi, tani hi *Pilgrim's Progress*. Switano na hina . . .

³² Ndzi na xiphato nyana ndzi nga xitsala, swin'wana swo kotisa leswi. Kutani ndzi ku . . . Sweswi, ntsena ehleketa, a ndzi ri ni kwalomu ka khume mbirhi wa malembe hi vukhale. Kutani ndzi yima lahaya, siku rin'wana, ndzi languta goji lero ro enta; kutani ndzi ehleketa, "Nghala ya leyo yi tava yi tshamile lahawani ekamareni leyi ya khele, yi languta hi festere," efestereni ra glasi. A ndzi ehleketa hi xiphato nyana. Ndzi tlhelerile endzhaku ndzi ya switeka, swin'wana swo kotisa leswi. Ntsena ehleketa hilaha Xikwembu . . .

³³ Mapfumela leswaku Xikwembu xile ka nhlohlotelohinkwawo xana? [Nhlengeletano yi ku, "Amen."—Muhleri.] Xikwembu xi fanele xi tsala risimu. Ma swi pfumela leswaku Xikwembu xile ka tinsimu? ["Amen."]

Yesu u vule tano. U kongomisile endzhaku eka Davida, "A mi switivi xana leswi Davida a nga swivula eka Tipisalema? Maswitiva, a nga na . . ."

³⁴ Langutani eku vambiweni. Davida u swi yimbelerile, eka Pisalema ya 22, "Xikwembu xa Nga, Xikwembu xa Nga, U Ndzi tshikela yini xana? Hinkwawo marhambu ya mina, va Ndzi honolerile. Va tlhavile mavoko ya Mina na minkondzo ya Mina." Maswitiva, kutani lero akuri risimu. Tipisalema i—i risimu.

³⁵ Kutani eka xiphato lexi, ntsena langutani hilaha xi nga ta humelerisa xiswona. Ku tshama lahaya, xihlangi xa khale na lakani ra phepha, ndzi ku:

Ndzi na xivundza, oho, xivundza xale kule
edzonga-vupela-dyambu,
Loko mindzhuti yi wela laha ku enteke
emasungulenya ntshava.
Ndzi nga ha vona hlolwa leri nga tumbela
hinkwako ku rhendzeleka hi hunguva ya
phephulu;
Ndzi nga ha twa lobo yi huwelela ehansi
lahaya ku dyelaka leti ta timhondzo to leha.
Kutani kun'wana ehenhla egojini ro enta ndzi
nga ha twa ku nyenyela ka nghala,
Kusuka kwalaho eka Tintshava ta Catalina
eka ntila wa Arizona.

³⁶ Endzhaku ka mune wa makume wa malembe, a ndzi tshamile egojini lero, nghala ya leyo yi ndzi languta exikandzeni.

O Xikwembu, ku ni Tiko halahaya nambyeni kun'wanyana, vanghana. Ro va ntsena... Ri fanele ku va kona kwalahaya. Wa vona? Kuna—kuna ku vulavula ngopfu ha rona. Swilo leswi hinkwaswo a swo va ntsena swithathelo; swi... Swa hanya. I swilo leswi swi hanya. Ndzi tsakile kuva ni ri lahawani madyambu lawa, kuva ni vanhu lava ndzi valanguteleke ku ya hanya na vona Lahaya hilaha ku nga heriki, laha ku nga tava kuri hava vuvabyi, kumbe rifu, kumbe ku avana. Kutani ku famba-famba swi tava swi ngari nchumu eka hina kwalaho.

³⁷ Sweswi, ndzi pfumela leswaku ku hava nhlengeletano leyi nga hetiseka loko ku nga hlayiwanga Rito ni kuva ni swintsongo...

Makwerhu Neville, ntsena ndzi ta lahawani. Billy u teri u ndzi lava leswaku ndzi vulavula. A hi swona sweswo xana, Makwerhu Neville? [Makwerhu Neville a ku, “Amen. Ina. Hakunene.”—Muhleri.] Ndzi nga ha tekeriwela swintsongo ehansi, kambe ndzi—ndzi ti twa kahle swinene ha swona. [“Kunene, amen! Ndzi tano hakunene!”]

Swingaleswi, sweswi, n'wina lava mi nga na tinsimu ni swin'wana, mi vona Makwerhu Neville loko mi lava ku yimbelela, kutani ntsena vanani na rona, ehenhla kwalaho. Nakona ntsena kwalomu ka hafu ya awara ya masungulo, nakona a hi nghenen hi kongoma eka Hungu leri ro enta ra ntiyiso kutani hi vona leswaku Hosi yi ta endla yini. Nakona ntsena ndza tshembha...

³⁸ Ndza—ndza pfumela leswaku hi na Ntiyiso. Ndzi enerile hi sweswo. Kutani ndza pfumela leswaku koroni, hi kuhetiseka, xikhamba xa tlhorheleka eka yona. Maswitiva. Kutani, wa vona, ndzi nga ha nyika manghenelo nyana mantsongo ya sweswo, madyambu ya mundzuku, wa vona, hilaha xikhamba xi ti tlhorhelaka xi suka eka koroni hakona. Kambe koroni yi fanele ku pavalala eVukoneni bya N'wana, leswaku yi ta vupfa. Kutani sweswo hi swona swi endlaka leswaku hi va lahawani, vanghana, tshamani eVukoneni bya N'wana ku kondza xintlawani xa vanhu va hina lahawani, ku fikela laha xi vupfaka eka Kreste, xi va xinkwa etafuleni ra Yena. Sweswo hi leswi ndzi swilavaka ku swi endla.

³⁹ Kutani sweswi hi nga se tshunelela Rito, endzhaku ka ku tiphata hi swiphato, ni swin'wana, a hi khongeleni nakambe. Kutani hi ya teka tsalwa ra hina.

⁴⁰ Yesu la rhandzekaka, hi pfune madyambu lawa sweswi, eka marito lawa lamantsongo, tani hilaha hi rindzeleke Wena. Kutani ha khongela leswaku tintswalo ta Wena ni ntewa vusiwana swi tava na hina, Hosi. Kutani olovisa timbilu ta hina; tlherisela endzhaku swikhamba hinkwaswo, mitwa, mahlwehlwe, pfumelela masana lawa ya katekisiweke ya dyambu ra Xikwembu ya wela eRitweni, Hosi. Leswaku hi

nga hava ni nhlengeletano ya leyo ya kahle ku fikela laha hi pfumalaka munhu loyi a nga ponisiwangiki exikarhini xa hina, vana hinkwavo va tava eMfun'weni wa Xikwembu. Lava va pfumalaka nkhuvulo wa Moya, i ngaku va nga Wu amukela, Tatana. Leswaku hinkwaswo swihundla leswikulu leswi hi faneleke ku switiva eka nguva ley, Hosi, swi fununguriwa eka hina; kutani hi vona ku andleleka ka Xikwembu, leswaku hi ta tiva hilaha hi faneleke ku tiva matikhomele ya hina ni maendlelo, leswaku hi tilulamisela niku tisa swirho swa miri leswaku swi ta tshinyiwa hi Rito, leswaku hi ta tiva ku hanya eka siku ra namuntlha loko hi tshunelela Hosi Yesu.

⁴¹ Tani hilaha ndzi nga ta hlaya Rito ra Wena madyambu lawa, Hosi, ndzi nga hava, hi xidyondzana nyana lexi, xa ku kota ku hlaya ya n'wana ya marito, kumbe ya n'wana ndzi nga ya vuli kahle. Kambe, Hosi Xikwembu, Wena u ri wexe u nga ha kokela mongo wu humela ehandle. Wova Wexe u nga swi endlaka. Ku hava—ku hava ndlela yin'wana eka munhu ya ku swi endla; swile mavokweni ya Wena, Hosi. Swingaleswi hi nyiki, madyambu ya n'wana ni ya n'wana, leswi swi nga swa vona leswi tumbeleke eRitweni ra Wena, leswaku hi nga hava Vakreste vo antswa hi hanya kuya hi nkarhi lowu hi hanyaka eka wona, tani hi swikombiso swa Vukreste. Ha swikombela hi Vito ra Hosi Yesu. Amen.

⁴² Sweswi, votala va n'wina, eTibibeleni ta n'wina, ndzi mi lava leswaku mi pfula eka Buku ya Yonas. Yi... Minkarhi yo tala hi vulavula ngopfu hi Yonas kuva a ri loyi a tlheleleke endzhaku ni swin'wana. Minkarhi yo tala ndzi teka Yonas. A ndzi pfumeli leswaku Yonas a wile. A ndzi—ndzi swi pfumeli sweswo. Ndzi pfumela leswaku ku... Ntsena minkarhi yin'wana ha swi tirhisa, hi ku, "Hi yena Yonas." Kambe loko hina... Khale ndzi vulavurile hi swona, hi ndlela yin'wana, ndzi vula leswi a ndzi swi ehleketa, Yonas, leswi swi nga teka ndhawu.

Rito ra Hosi ri ta eka Yonas n'wana Amitai, riku,

*Suka, u ya Niniva, muti lowukulu, u wu vulavulela;
hikuva ku homboloka ka wona ku tlhandlukile
emahlweni ka mina.*

*Kambe Yonas a suka abalekela Tarshish kule ni
ombo wa Hosi, kutani a ngirimela Yafo; a kuma kona
ebyatso lebyi ya ka Tarshish: a humesa mali ya rendzo,
kutani a nghena e byatsweni, leswaku a taya Tarshish
kun'we ni vini va byona kule ni mombo wa Hosi.*

⁴³ Xana a hi mahetelelo lawa ya nga na vusiwana xana? *Wanuna Loyi A Balekelaka Vukona Bya Hosi*, kutani yaleyo i nhloko—mhaka ya mina.

⁴⁴ Sweswi, xosungula hi lava ku ehleketa hi leswi. Yonas a ri xiswona... Xivangelo, xivangelo lexikulu, hi leswaku ndza

pfumela leswaku u endlile nchumu lowukulu lowu lahayani, hikuva Yonas a ri Muyuda. Nakona a komberiwile kuya emutini wa Vamatiko, ku ya wu vulavulela; a ehleketa leswaku a nge yingisiwi. Hikuva, Vamatiko va ta ehleketa leswaku, "Muyuda loyi u lava ku endla yini hi hina?" Kambe, maswivona, nchumu wun'wana, swi hi nyika nchumu wun'wana lowukulu lahayani ku wu vona, leswaku Xikwembu a hi Xikwembu ntsena xa Vayuda, kambe xa hari Xikwembu nakambe eka Vamatiko. I Xikwembu xa vanhu hinkwavo.

⁴⁵ Ntsena xi lo hlawula Vayuda. Vayuda va vitaniwile vanhu lava va nga hlawuriwa hi Xikwembu. Va hlawuriwile hi xikongomelo xo karhi. Kutani xikongomelo xexo a kuri, xa kuva nyika nawu, nakona a va nga ta wu hlayisa. Kutani ntsena Xi lo tikombisa, hi vanhu valava, leswaku nawu wu ngaka wu nga hlayisiwi, ni leswaku hi Xona Xikwembu xo-xo-xo lulama. Nakona nawu a wu koxa vululami, kambe a kuri hava tintswalo eka nawu, to humesela munhu ehandle. A kuri hava xigwevo lexi a xi hakeriwa hi nawu, kambe swi tekile tintswalo ku hakela xigwevo xexo, kumbe laha nawu a wu hi veke kona ehansi.

⁴⁶ Kutani Yonas lahayani u vitaniwile, tani hi leswi, un'wana wa vaprofeta lava ntsongo va Bibebe, ku rhelela emutini lowu.

Kutani lahayani hi kuma xikombiso xa hina hinkwerhu. Un'wana ni un'wana wa hina, minkarhi hinkwayo hi tshamela ro tsutsuma swin'wana. Hi balekela khombo. Hi balekela vutihlamuleri. Hina, hi korhamerile ku swi endla sweswo. Hina, hi tano, hi korhamerile swinene ku swi tsutsuma ku tlula loko hi fanele ku yima ni ku swi languta. Wa vona, hi ntsena... Hi-hi-hi kumeka hi ri karhi hi tsutsuma hi hexe.

Nkarhi wun'wana hi kumeka hi korhamerile kuva hi balekela ntirho. A hi swilavi ku swi endla, a hi swilavi ku tirha. Vanhu van'wana va ehleketa leswaku va nga tihanyisa va nga tirhi. Kambe, ndza ehleketa, Solomon a kuri tlhelo lero laha hi nga kumaka nhlamulo lahayani, hi ku langutisa risokoti.

⁴⁷ Maswitiva, xisokotana, va ndzi byela leswaku loko sweswo (hinkwavo) risokoti a ri tirhi ni ku tshama endzeni, risokoti lero a ri dyi hi xixika, kumbexani. Swingaleswi, un'wana na un'wana u fanele ku-ku tirha.

⁴⁸ Hi na swilo swo tala leswi hi fanelaka ku swi endla, vutihlamuleri byo tala lebyi hi faneleku byi kongoma. Un'wana na un'wana u faneleku kongomana ni vutihlamuleri byi n'wana.

⁴⁹ Loko mi-loko mi ta eka-eka ku hlawula nsati wa n'wina, leswaku mi teka, kumbe ku hlawula nuna wa n'wina, mi-mi faneleku teka vutihlamuleri. Kutani ma boheka ku tsundzuka... Nkarhi wun'wana u aka muti; wu va muti wo saseka. Kutani swingaleswi, tsundzukani, tani hi wansati

loyi a nga tekiwa, u fanele u ehleketa hi vutihlamuleri byo kurisa vana. Nakona u fanele ku ehleketa hi ku saseka ka vona, makhumbhi yo rhetela ma tava na swintsongo, swa migandlazo ya mavoko hinkwawo ka wona. Swingaleswi mi ni vutihlamuleri byo dyondzisa vana va n'wina. Mi ni vutihlamuleri byo va ambarisa ni ku vaphamela.

⁵⁰ Hinkwaswo i vutihlamuleri. Nakona swi olove ngopfu, loko vutihlamuleri byi hi kongoma, kuva ni vutihlamuleri eka vona. Kutani hikuma leswaku vukati i vutihlamuleri, hi maendlelo hinkwawo.

⁵¹ Hambi, minkarhi yo tala, hi kuma leswaku... Leswi swa tika ku swivula, kambe i ntiiyiso, leswaku tiministara, minkarhi yo tala, va langutana ni vutihlamuleri bya ku yimela Rito ra Xikwembu ra ntiiyiso loko vatava va kongomana na Rona. Va ta kongomana ni vutihlamuleri byebyo. Loko Ntiyiso wa Rito ra Xikwembu wu tisiwile wu kongomana na hina swivumbiwa swa ximunhu, hi ni... hi olovisiwile ku tlherisela vutihlamuleri endzhaku ku kondza ku fika xilaveko xo hetelela.

⁵² Ntsena ndzi yile emahlweni ni vulavula ni ntukulu wa mina lontsongo ehenhla lahaya. I wa Khatholiki, kutani yena... Kutani ndzi khuvule jaha lero, hi Vito ra Yesu Kreste, kwalahawani malembe ya ntsongo lawa ya nga hundza, kutani a ri ni xinhwenyetana xin'wana lexi nga vuya xiva Mukhatholiki. Kutani ndzi khomile voko ra manana wa yena loko a ri ekufeni lahaya. A ku eka mina, marito yo hetelela, "U hlaysia Melvin." Kutani ntsena ova eku lorheni milorho. A ngaka a nga swikoti... Masiku, masiku hinkwawo, vhiki ro hetelela, a ri eku lorheni ka milorho. A ku, "Ndzi tile ekerekenei ya n'wina, Malume Bill, kutani a wu yimile lahaya u ri eku chumayileni. Ndzi tsutsumile ndzi ta, ndzi ta sungula ku tivula. Ndzi phaphama." A ku, "A ndzi—ndzi hoxile."

Ndzi ku, "Melvin, a wu kali u lava nhlamuselo eka sweswo. Ndhawu ya wena yile hansi lahaya yi nga ya wena." Hi swona sweswo. Wa vona?

⁵³ Kambe ku kongomana ni vutihlamuleri, nkarhi wun'wana swi susa ku titumbeta ka hina, loko hi endla sweswo. Tani hi tatana, ku kongomana ni vutihlamuleri, ku xupula n'wana wa n'wina. Vona vanakulorhi lavantsongo, a mi swilavi ku swi endla sweswo. Kambe tani hi tatana kumbe manana, mi fanerile ku kongomana na vutihlamuleri bya ku kurisa n'wana, hikuva Bibele yi teri, "Loko u tshika nkhavi u ta poyila n'wana." Nakona sweswo swa ha yima kahle emahlweni ya musayikholoji un'wana na un'wana loyi a nga emisaveni. Walowo wu tshama wa ha ri Ntiyiso wa Xikwembu. Loko kuri ni ku titoloveta kwaloko ko hlaya, a hi tava hi ri hava ngopfu milandzu ya vuntshwa ni swin'wana, kutani nkhavi lowu hi

nga na wona emisaveni namuntlha. Kambe nawu wa khale wo tiya wale kaya wu tshoviwile, nkarhi wo leha lowu nga hundza, kutani va pfumelela vana va endla leswi va swilavaka.

⁵⁴ Kambe hambi loko ndzi teri, tiministara, va ta ta va kongomana na Ntiyiso, va tlhela va Wu sukela. Wa vona, ntsena—ntsena va ni... Switikomba tani hiloko kuri ni swin'wana leswi va—va nga swilaviki ku swikongoma.

⁵⁵ Minkarhi yo tala ndzi twa vanhu va ta va fika, va ku, “Ndza switiva leswaku sweswo hi swona, Makwerhu Branham, kambe loko ndzi swi endlile sweswo, va ta ndzi raha ndzi huma ekerekenei.” Hi mhaka ya yini? Loko u nga swi endlili, va ta ku raha u huma, ehenhla Lahaya. Swingaleswi u fanerile ku rahiwa u huma, kun’wana, wa vona. Swingaleswi u nga swi kongoma na swona, ematshan’wini ya ku swi tsutsuma i ku, “Kunene, ndzi taya *lahawani*. Ndzi ngaka ndzi nga tlheleri endzhaku.” Ku tlhelela endzhaku, hakunene, yingiselani swin’wana swa Rona.

Lavisisani Matsalwa. Yesu u teri, “Lavisisani Matsalwa, lawa eka Wona mi ehleketa leswaku mi ni Vitomi lebyi nga Heriki, kutani hi Wona Lawa ya vuleke vumbhoni ha Mina.” Kambe hi kuma leswaku vanhu a va kongomani na swona sweswo.

⁵⁶ Kuva mi tisiwile eka, eka Vukona bya Xikwembu, ni ku vona Xikwembu loko xi endla xitsimbhiso, nakona Xikwembu xa tiboha eka xitsimbhiso xexo. Kutani loko Xi tisa xitsimbhiso xexo leswaku xi humelela, kutani vanhu va chava ku kongomana ni yutihlamuleri bya ku fambelana ni Hungu ra awara. Ha swi kuma sweswo hinkwako.

⁵⁷ N’wina ke Malutere? I Malutere mangani lawa ya chavaka, vanhu a va chava ku langutisana na Ntiyiso wa Luther loko a humelela ni kululamisa? Langutani leswaku mi lahlekeriwele hi yini, kumbexani hi vutomi lebyi byi nga bya n’wina, kuta mi ta tivula eka Yesu Kreste kutani—kutani mi va ma—ma Lutheran.

⁵⁸ Langutani eka n’wina Mamethodists, hilaha swi nga tololvekerisa xiswona, hinkwerhu mi vitaniwile vakwetsimi lava va vumbulukaka. Ndza pfumela leswaku maswitiva sweswo. Nakona va kumeka ehansi ka Moya, ni ku jeka kusuka endzhaku ku ya emahlweni. Nakona va teri va—va na “tijeke.” Metho—... Leswaku, ee, sweswo a hi Mapentekostal; valava a vari Mamethodists, malembe yo tala lawa ya nga hundza. Kutani va jekile, ni ku ninginisiwa, ni ku wela endzeni ka matimba ya Xikwembu. Nakona va vahaxile hi mati eswikandzeni swa vona, va va bela moya hi tifene, va ehleketa leswaku va hundzile. Kutani, sweswi, mi tekiwa mi ri ntlawwa vavumbuluki vo kwetsima. Kambe na vona, vamanana va n’wina ni vatatana va n’wina, va fanele ku Ri amukela na vona, va kongomana na Ntiyiso ni timhaka, kumbe a languta ehansi.

⁵⁹ N'wina ke Mapentekostal n'wina mi amukeleke ku vuyelerisiwa ka tinyiko, loko nkhuvulo wa Moya lowo Kwetsima wu huma, hi ku vulavula hi tindzimi, ni tinyiko ta Moya ti vuyela endzhaku eka kereke? Hikokwalaho ka yini, Mamethodist va lavile ku mi raha va mi hlongola, nakona va swi endlile. Kambe ma boheka ku kongomana na swona. Hi swin'wana leswi mi fanelaka ku swi endla.

Mhaka yona ke, loko yi humela ehandle, ya nkhuvulo hi Vito ra Yesu Kreste, nakona mi swivonile leswaku i Ntiyiso? Mi fanele ku kongomana na wona, kumbe ku endla swin'wana ha wona.

Mi ni yutihlamuleri, un'wana na un'wana u na byona, nakona ma boheka ku kongomana na swilo leswi. Hi swona.

⁶⁰ Kutani loko mi swivona sweswo, eka siku leri sweswi, laha Rito ra Xikwembu ri endleke switshembhiso leswi swa swilo leswi hi swi vonaka swi humelela sweswi, swingaleswi hi ni yutihlamuleri bya kuva hi nga kongomana na Rona kumbe hi ri balekela. U na...Ntsena u ngaka u nga tshami u ri exikarhi. U fanele ku endla swin'wana ha Rona. Leswaku...Ku fanele ku tshukunyukiwa.

U ngaka u nga ngheni hi nyangwa luwa wa kereke u tlhela u huma wa hari munhu ya luya a ngheniseke xiswona. U nga hava u ri ekule, kumbe u ri ekusuhi na Xikwembu, minkarhi hinkwayo loko u nghena kumbe u huma lahaya.

⁶¹ Oho, swi va olovela njhani vanhu ku hambana na swilo leswi. Nakona ndzi lava leswaku hi ehleketa hi leswi loko hi ta sungula tinhlengeletano ta ximfumo madyambu ya mundzuku, leswaku, ndzi mi lava mi xiyisisa loko swin'wana hi tava hi hlanganile na swona, loko mi... loko kuri ni xivutiso ha swona. Loko kuri na xivutiso ha swona, ku fanele kuva na nhlamulo.

⁶² Mi nge, xikombiso hi ku, ndzi te ndzi ya evupela-dyambu, kutani n'wina mi ndzi kombeta ndlela *leyi*. Kunene, xo sungula mi xitivaka, ndzi nga ha tsutsuma ndzi hundza laha a ndzi ya kona, kutani ndzi va ngopfu...Ndzi va n'walungu-vupela-dyambu. Kunene, ku nga humelela yini loko un'wana a ndzi komba ndlela *leyi*, kutani ndzi famba hi ndlela ya leyo? Ndzi ta hundza lomu ndzi yaka kona nakambe; ndzi ya edzonga-vupela-dyambu. Kunene, ntsena loko ka hari na xivutiso, laha ndlela ku nga evupela-dyambu, ku fanele kuva na nhlamulo yo kongoma ku n'wanyana.

Kutani loko swivutiso leswi swi hi tshunelela, hikwalaho ka Ntiyiso wa Bibele, ku fanele kuva na nhlamulo ya kahle kun'wana. Sweswo hi swona. Swi fanerile kuva kwalahaya.

⁶³ Kutani loko hi vona Swin'wana swi kombisiwa. Ndzi ehleketa leswaku, ematshan'wini ya ku tsutsuma ntsena, hi ku, "Aha, thyaka! Ndzi ngaka ndzi nga pfumeli eka nchumu wo

fana ni Walowo. Ndzi ngaka ndzi nga pfumeri eka Sweswo." Hikokwalaho ka yini mi nga teki Bibebe, kutani mi tshama ehansi mi kongomana na Yona. Mi Yi dyondza. Mi kona lahawani ehlengeletanwini sweswi, ntsena Yi languteni. Mi Yi kambisisa, n'wina hi n'wexe, hi Rito. Kambisisani Rito, hi Rito. Ya leyo hi yona ndlela yo olova ya ku Ri endla leswaku ri vula Ntiyiso. Nakona Ri fanerile ku vula Ntiyiso, kusuka eka Genesa ku ya fika eka Nhlavutelo.

⁶⁴ Kreste hi yena nhlavutelo wa Bibebe hi nkwayo. Eka Yena, Kreste, ku ni ku hetiseka hinkwako. Ku hetisisa hi nkwayo vuprofeta bya Bibebe byi endliwile byi ngayi hi xiyimo eka Kreste Yesu, hikuva A ri Xikwembu lexi xi tikombiseke enyameni.

⁶⁵ Sweswi loko hi kuma swilo leswi, hambiloko, hi tshuneleriwile ni kuva hi ta enhlengeletanwini, ni ku vona Matimba ya Xikwembu ma famba-famba ni ku endla swilo, ni ku endla mintirho leyi yi nga riki ya ntumbuluko, kutani hi swi vona loko swi endliwa, kutani hi languta eBibeleni hi swivona leswaku swi tshembhisiwile awara ya leyi; kutani loko hi vona swilo leswi, kutani hi tshuneleriwa hi vutihlamuleri laha kumbe hi nga byi amukelaka, ndzi vula, tani hi hina hi hexe.

⁶⁶ Sweswi, vanhu votala va ni ntwela-vusiwana, vanhu vo tala vari swikahle. Kambe sweswo a swi—a swi swi endli swi va... Walowo a hi nchumu lowu mi nga na vutihlamuleri eka wona. Tani hilaha ndzi vuleke, ku nga humelela yini loko...

⁶⁷ Loko ndza hari wanuna lontsongo, ndzi ri eku laveni ka nsati, ku ta teka; kutani lahawani ku yimile wanhwana loyi a nga na swilaveko hinkwaswo leswi ndzi ehleketa leswaku swi nga n'wi endla wansati. Hikokwalaho ka yini, hi vunene a ri hosikazi, nakona a rhandzeka, kutani—kutani a ri ni vumunhu lebyi byi hetisekeke, Mukreste wa xiviri, hinkwaswo leswi ndzi nga swi ehleketa, kuva swi ndzi endlela nsati wa kahle. Swi nga khathaleki leswaku ndzi vula swo tala ku fika kwihi hi ku hetiseka ka yena, u kahle hakunene, a hi wa mina ku kondza ndzi n'wi amukela ni vutihlamuleri bya yena byi va bya kuva a ri nsati wa mina.

⁶⁸ Sweswo hi leswi swi fanaka ni leswi Hungu ri nga xiswona. Mi nga ha vula leswaku, "Ri ntiyiso, kumbe *leswi, sweswo, kumbe swin'wana*." Kutani ndzi ku, "Ndzi ti twela-vusiwana ha Rona. Ndza pfumela leswaku Ri Ntiyiso." Kambe mi fanele ku Ri amukela; nakona Ri fanerile kuva xiave eka n'wina, na n'wina mi va na xiave eka Rona. Mi fanerile... Swingaleswi, i Ra n'wina.

⁶⁹ Loko u lovola wansati loyi u nga n'wi hlawula, u—u un'wana wa swona.

Kutani yaleyo hi yona ndlela mi nga na yona na Kreste. Loko mi N'wi vona a tikombisa niku ti humelerisa, kutani mi xiphemu xa Yena, na Yena i xiphemu xa n'wina. Kutani, mi ri kun'we, mi xiphemu xa Hungu.

⁷⁰ Oho, i swikepe swingani swa tidinominexini leswi swi yaka eTarshish, eka va Yonas va masiku lawa, nkaye wa madzana ya swona, swin'wana, swikepe leswi swi tekaka ndlela yo olova. A va swilavi ku kongomana na yona.

Yonas a nga swilavanga ku kongomana na swona, nchumu wo ya eka Vamatiko. A nga swilavanga ku yisa Hungu lero ra vukarhi lahaya, "Ku nga se hundza mune wa makume ya masiku, mi ta lovisiwa loko mi nga hundzuki." U swi vengile ku swi endla sweswo. Kutani a ehleketa, "Vona Vamatiko, swa tika ku vula leswi va nga ta ndzi endla swona." Kambe wa boheka ku kongomana na swona. Wa vona? Kambe u tekile xikepe lexi xi olovaka a ya eTarshish, a rhelela enkokotlweni wa xikepe a ya etlela; a teka patu leri oloveke.

⁷¹ I ndlela yo olova, i ndlela leyi nga duma ni vanhu. Swa olova ku teka ndlela leyi un'wana na un'wana a nga ta ku bambetela nhlana a tlhela a ku u nakulorhi wa kahle, "Kutani loyi i so-na-so na swin'wana," ni misava yi ta languta ehenhleni ka wena. Swa olova ku famba hi ndlela yo duma.

Kambe loko-loko wa ha fanele hi ku endla swin'wana swo hambana, laha u faneleke ku yimela ku ti khorwisa ka wena ka leswi u swi tivaka leswaku i Ntiyiso, kwalaho hilaha ku nga na xiphemu lexi xi tikaka, kwalaho ku ta ku chukuchela, kwallahaya.

⁷² Oho, tani hilaha hi tolreveleke ku yimbelela risimu lero ra khale:

Swi olova njhani ku tluta elwandle, nakona ri
 rhurile,
Ku tshembhela eka ntamu wa vuthu lerikulu
 ra Yehovah.

Kambe, oho, loko magandlati ya sungula, loko-loko moyo wu hunga wu ba magandlati, xana u endla yini xana?

⁷³ Swin'wana swa leswi ndzi nga byeriwa, nkarhi wun'wana, laha manana un'wana a vuleke. Endzhaku eka hanci nile masikwini ya mabawa, laha a ngeteri hanci yi tsutsumile na yena, ku ya ekerekeni. A ku, "Xana u nga endla yini?"

⁷⁴ A ku, "Ndzi tshembhile Hosi ku fikela laha mintila yi tshovekaka." Kunene, walowo i nkarhi wo tshembha Hosi, endzhaku ka hinkwaswo...endzhaku kaloko mintila yi tshovekile. U tshembhela eka mintila ku kondza yi tshoveka. Ina.

⁷⁵ Kutani hi kuma leswaku hi ni tindlela to tala leti hi nga yaka eka tona, swikepe swi rhelela ehansi eTarshish, hikuva

swa olova, leswi swi nga riki ni vutihlamuleri. Ntsena swo khulukela kona, mi na hinkwaswo leswi swi taka; un'wana na un'wana wa mi rhandza. Kutani, un'wana na un'wana, mi... Ku hava loyi a yimaka na n'wina; a wu yimi na munhu. Sweswi, loko sweswo swi ngari fayiduku! Sweswo hi swona. Ina, sukumeta, papamala! Hikokwalaho ka yini, munhu un'wana na un'wana, a ndzi na mhaka leswaku mi va mani, ni leswaku mi yimela yini... Kahle-kahle, vanhu va miehleketo ley i yi tshamisekeke va ta ehleketa swinene ha n'wina loko mi nga yimela ku khorwisa loku ku nga ka n'wina leswaku ku lulamile. Hi swona. U ngavi na mhaka...

⁷⁶ Loko mi nga teka wansati, swi nga ha endleka a nga koki ngopfu mahlo, nakona hambi a ngava a ri njhani; kambe u pfumeleta wansati ya loye a yimela vusati bya yena, mi n'wi pfumeleta a yima tani hi manana; kutani loko wanuna a ri na ntikelo wa vununa bya yena, u ta n'wi teka. Hakunene. Nakona hi amukela swin'wana leswi—leswi un'wana a nga na swona, leswaku va pfumela leswaku i ntiyiso nakona va ta yimela leswi va swi ehleketa leswaku i ntiyiso.

⁷⁷ I ku vulavula kwihi, loku ku nga na Vakreste vo tala namuntlha, hilaha va oloveke ha kona na swin'wana, ku fikela laha va ehleketa leswaku hinkwaswo leswi va swi endlaka i ku joyina kereke, va ya kun'wana, va tsarisa vito ra vona ebukwini, kumbe va endla swin'wana leswi ntsongo, va tlulela ehenhla nale hansi, va ba huwa, kumbe—kumbe swin'wana swo kotisa sweswo, va tlhela va swi vitana Vukreste.

Vukreste byi hi masiku hinkwawo, vutomi byo khwaxa, hi hanyela Xikwembu eka...vukona bya misava ley. I ku pfurha ka Ndzilo lowu nga riki ni mancincelo ni rirhandzu ra Xikwembu, embilwini, sweswo swi mi vekela ndzilo niku mi veka halahaya ehandle na vanhu, ni ku endla leswaku va hundzuka va ya eka Kreste. Vutihlamuleri.

⁷⁸ Kambe swa olova ku famba hi ndlela leyi misava yi fambaka ha yona. Swa olova ku tluta ehansi exinambyanini.

U ya ehansi lahaya u ya tshama enambyeni, na xikepe xa wena. U kuma minondzo ya wena u sungula ku koka ku kongomana na moya; a wu swikoti ni ku swi endla nkarhi wo leha, kutani xi ya xi tika. Kambe ntsena u chueha minondzo ya wena kutani u languta leswaku u hatlisa njhani loko u ri karhi u hundza minsinya, u ya ehansi, kambe languta laha u yaka kona!

Loko swilo swi tluta hi ku olova, tsundzukani, u ya u kongomana ni—ni maboboma lamakulu ehansi lahaya, ya ma endlelo ya n'wana. U ya u kongomane ni ku phuvama, kutani a swi nga teki nkarhi u taya eka ku phuvama kwaloko. Ntsena loko u tluta ni misava, hi ku olova, hi ndlela leyi xi yaka kona, a wu kali u lava sweswo. Ee, nkulukumba. Kambe wa boheka kuva ni vuti—...amukela vutihlamuleri bya wena.

⁷⁹ Sweswi, ma Ri pfumela, nakona mi na-... Mi ehleketa leswaku Ri Ntiyiso.

⁸⁰ Kutani vutihlamuleri lebyi Xikwembu xi nga hi nyika byona eka siku leri, i ku tisa Hungu leri! Kutani tani hiloko ndzi dyuhala, nakona ndza switiva leswaku masiku ya mina yaya ya koma, ndzi titwa ndzi ri na vutihlamuleri byo tlula lebyi ndzi nga tshama ndzi va na byona. Ku ya emahlweni, hi boheka ku swi endla! Hi boheka ku nghena ehansi eka byona, hinkwako laha hi yaka kona, kutani hi vula Hungu; ni—ni kuva hi byela vanhu leswaku Yesu Kreste u le kuteni, leswaku hi Yena Xikwembu nakona U le ku vuyeni ku ngari khale. Ka hari hava ku—hava ku tsimbemba loku ku nga sala emisaveni handle ka ku Vuya ka Hosi.

⁸¹ Ndzi languta endzhaku lahaya eka vanghana van'wana lava a vari na mina ehenhla lahaya loko Ntsumi ya Hosi... Majaha lawa ya nga tshama lahawani, ndzi pfumela leswaku va kume ndhawu laha swi nga humelela ehenhla lahaya. Nakona ntsena ma swi tsundzuka leswi Hosi yi nga swivula hi siku lero, eka Makwerhu Woods. A hi ri karhi hi gonya xiganga. Kutani—kutani a ri ni maendlelo yo rila, hikwalaho ka nsati wa yena loyi a vabyaka. Kutani Hosi yi teri, "Rhwalela ribye lero u ri hoxa ehenhla emoyeni, kutani i ku, 'HI LESWI HOSI YI SWIVULAKA.'" Kutani ndzi swi endlile sweswo. Nakona Makwerhu Woods u tshamile tani hi mbhoni.

⁸² Kutani ndzi ku, "Makwerhu Woods, a swi nga teki nkarhi ku kondza u ya vona swin'wana swihumeleta." Kutani hi siku leri tlhandlamaka, loko ha ha yimile kwalaho, hinkwerhu ka hina hi ri kun'we... Ni ntlawwa wa vavanuna lowu wu yimeke kwalahawani madyambu lawa.

⁸³ Muchumayeri lontsongo a ri kwalahaya, nakona a ri... Ndzi xiyisisile... Ntsena ndzi hlanganile na yena hi xa madyambu ya kona. A ri eka nkampa wa hina. U tile leswaku a tava na hina. Kutani u teri eka mina, a ku, "Makwerhu Branham, u tshame u vona swivona, swi humelerisa xi leswi?"

⁸⁴ Ndzi ku, "Ina, nkulukumba. Kambe ndzi te lahawani leswaku ndzi ta hambana na swona, ku ta wisa nyana swintsongo." A ku... "Kunene," ndzi ku, "Ndzi—ndzi... Xivangelo, Xi ndzi komba swilo leswi humaka lahawani." Kutani ndzi ku, "Ntsena ehenhla ka xiganga lahawani, laha Tintsumi ta nkombo ti nga humelela ehansi lahaya."

A ku, "Ahaa, ndza switwisisa." A ku, "A ndzi ri un'wana wa vaseketeri va wena eka nhlengeletano yale California."

Ndzi ku, "Kunene, hakunene ndzi tsakile ku switiva sweswo."

⁸⁵ Kutani loko ha ha yimile kwalaho, ntsena xikan'we—kan'we ndzi halaharile ndzi vona dokodela wa xidludla a langutile

mahlo ya yena, kutani ndzi n'wi twile a ku, "U ta lahlekeriwa hi tihlo lero, hikuva ku ni aleji endzeni kwalahaya. Kutani ndzi ri tshungurile ku ringana malembe mambirhi, kutani u ta lahlekeriwa hi tihlo lero."

Ndzi ku, "Xivangelo xa ku ndzi vutisa sweswo, i kuva dokodela wa wena a ku byerile leswaku u ta lahlekeriwa hi tihlo lero siku rin'wana."

Kutani a ku, "Hi swona sweswo," hiloko a halahala hinkwako hi ndlela ya *leyo*.

⁸⁶ Kutani ndzi vona manana wa yena a hluvula rin'we ra masokisi ya yena a humesa nenge wa yena, na maphyuphya lawa a ya nembelela exikarhi ka swikunwani swa yena, ehenhla nale hansi ka nenge wa yena; kutani a ku, "Loko mi vona Makwerhu Branham, n'wi byeleni a swikhongelela leswi."

Ndzi ku, "Manana wa wena u tlakusile... a humesa nenge wa yena hi ndlela ya *leyo*, kutani aku u na... u na maphyuphya eswikunwanini swa yena—yena hinkwaswo, kutani ku kotisa sweswo; kutani a ku, 'Makwerhu Branham a ngava a khongerile.'"

A ku, "Makwerhu Branham, walowo i ntiyiso."

⁸⁷ Ndzi langutile endzhaku. Loko ndzi tava ndzi langutile, ndzi n'wi vonile a yimile lahaya a ndzi langutile, tani hi *sweswo*, ni mahlo ya yena ntsena tani hiloko ya xile. Ndzi hlanganile na yena eka ku phuvama loku; a ri ni mahlo yo antswa ku tlula un'wana na un'wana enkampeni. Hosi yi n'wi hanyisile yi n'wi endla la hanyeke.

⁸⁸ Loko ndza ha yimile kwalaho, Hosi yi teri, yi ndzi kombisile leswi a swi ta ekuhumeleleni. "Ku avanyisa kule ku tilulamiseleni ka ku ba West Coast." Hiloko Yi ku, "Yana lahaya, etlhelo ka ndhawu ya *leyo* ya ndzilo."

⁸⁹ Kutani a ndzi khomile xovhele evokweni ra mina; ndzi ya lahaya. Kutani Makwerhu Roy Roberson, hinkwerhu ka hina ha n'wi tiva lahawani. A nga kona lahawani madyambu lawa, tani hilaha ndzi n'wi tivisaka xiswona; u le Arizona lahaya. Hi yena mutshami wa xitulu wa mathirasti lahawani, nakona ndzi n'wi tiva a ri munhu wa khale. Kutani swin'wana swi ya ekuhumeleleni; wo saseka, mixo wo hola, kwalomu ka khume ehenhla ka nhloko ni mixo. Kutani majaha hinkwawo a ya ri kwalahaya, khume kumbe khume mbirhi wa hina, hi tlhatlha matende, ni ku hlomula tinsimbhi, ni swin'wana. Swingaleswi hi... Ndzi rhendzeleka, ndzi ku, "Roy, tumbela, hi ku hatlisa. Swin'wana swi lava ku humeleta." A ndzi nga ha ta n'wi byela nakambe. Kambe hi nkarhi lowu a ndzi fika kwalahaya...

Ku xika xihuhiuri xa Xikwembu lexi humaka ematilweni, xi phakata, tani hi sweswo, xi ninginisa swi ganga, xi tsutsumela

endzeni ka ntshava ya leyo, xi tsemelela xi endla mavalavala ku rhendzeleka hi yona, kwalomu ka ntlhanu wa tifiti ehenhla ka nhloko ya mina ni ku tsemelela ehenhla ka minsinya ya kona yi suka, tani hilaha maribye a ya humela ehandle. Xi ya ehenhla emoyeni xi tlhela xi vuya nakambe, na nkhuvulo wun'wana lowukulu, wu fika wu ba wu tsemekanya ntshava, ni ku cukumetela maribye ehandle tani hi sweswo. Šwi endleke ka nharhu, kutani xi ya ehenhla emoyeni.

Kutani Makwerhu Banks a ta eka mina, a ku, "Sweswo hi leswi u nga swivula tolo xana?"

Ndzi ku, "Ina, nkulukumba, sweswo hi swona hakunene." Wa vona?

⁹⁰ Kutani masiku ya mbirhi endzhaku ka sweswo, Alaska yi mbombomela, hakanyingi, ehenhla lahaya. Nale henhla nale hansi kale West Coast a kuri ni ndlati niku sukumeta, ni hinkwaswo leswi a swi humeleta. Kutani rin'wana ra masiku lawa ri ta rhetemukela endzeni ka lwandle. Hi swona. Xana i yini? Hi hanya eka awara ya ku Vuya ka Hosi.

⁹¹ Hi vona ti izims ni swin'wana swi pfuka, ni hinkwaswo swilo leswi swo hambana, ha switiva leswaku ku fanele kuva na nhlamulo ya ntiyiso ya leswi.

Ku ni vanhu lava va humaka lahwani etikweni sweswi, va yaka emabawkini ni swin'wana, "Kutani hi ti 16 ta Dzivamisoko," mi swi hlayile ephepheni, "Hosi yile ku vuyen." Ma switiva leswaku a swi tano.

Yesu u teri, "Ku hava munhu loyi a tivaka minete hambi yi ri awara."

⁹² Loko hi vona swilo leswi hinkwaswo, ni swilo leswi swi tekaka ndhawu hi ndlela leyi swi nga xiswona, nakona ku fanele kuva ni nhlamulo ya ntiyiso kun'wana. Ku fanele kuva ni Ntiyiso. Vuhuma-dyambu, i byin'we; ni vupela-dyambu, i byin'we; kambe ku ni dzonga-vuxa, byin'we, ni n'walungu-vupela-dyambu, kumbe swin'wana. Kambe ku fanele kuva ni nhlamulo ya ntiyiso, kun'wana, ya xiphiqho. [Xivati lexi nga riki na nchumu eka thepi—Muhleri.]

⁹³ Huma eka leswi? Ha boheka ku byela vanhu leswaku hi hanya eka tiawara ta ku Vuya ka N'wana wa Xikwembu. Hi lava—lava ku swivona nikuva (Xikwembu) hi ri ekufambeni, nkarhi hinkwawo, hi tilulamisela ku nyika munhu nhlamulo ya kahle.

⁹⁴ Swi hi ndlela ya leyo minkarhi hinkwayo. Swi va—swi va swi ri emunhwini, u humile a tsutsuma a suka eka Xikwembu, kusukela eka Adam, entangeni wa Eden. Laha Adam a hari entangeni wa Eden, loko a ta ta eka vutihlamuleri bya ku teka xiboho, a nga ha tshama ni Xikwembu kumbe a famba na nsati wa yena? A fanele ku teka vuti—... a fanele ku swi

endla sweswo, vu—vu vutihlamuleri a byi ri ehenhleni ka yena. A nga ha teka leswi nsati wa yena a swivilakwa kumbe leswi swi vulaka hi Xikwembu. Kutani loko a hlawula ku famba hi ndlela ya nsati wa yena, kutani loko a tava a swi endlile sweswo, swingaleswi u lahlekeriwile hi xiyimo xa yena xo sungula. Kutani a tisa misava hinkwayo eka rifu, loko a ha faneriwile hi ku teka vutihlamuleri, kumbe a nga ha amukela ku vonakala loku ntshwa loku nsati wa yena a nga ku kuma, leswi a swi hambana.

O Xikwembu! Ehleketa ni ha swona. Xikwembu ntsena xi va nyika kwalomu ka nhungu kumbe khume wa Marito ku ya hlayisa. "Kambe mi nga tshuki mi dya murhi wa lowo." Sweswo hi swona hinkwaswo leswi ava fanele ku swi hlayisa. Kutani hambi kuri Rito lero ngopfu, va Ri tshovile.

Kutani Adam a fanele a kongomana na swona, "Na mina, xana ndzi nga swi endla tani hilaha nsati wa mina a nga vula leswaku ndzi swi endla, kumbe ndzi nga endla leswi swi nga vula hi Xikwembu xana?" Kutani u humile ni mahlo ya yena lawa ya pfulekeke. A fanele ku byarha vutihlamuleri. Sweswo swi hoxile rixaka ra ximunhu eka rifu.

⁹⁵ Hiloko ku ta Adam yaloye un'wana, laha akuri Kreste, ku hava ni un'we loyi a N'wi rhandza! Un'wana u vule leswaku A ngari Xikwembu? Ku hambana ka Yena swi khorwisile leswaku A ri Xikwembu. Ku hava xivumbiwa lexi xi nga hanya ku kotisa Yena. A hanya eka misava leyi nga ya yena N'winyi. U tswariwile ehandle ka ku rhendzeleka ka ntumbuluko, munhu wa vudyoho. Haleluya! Hi Yena Mutumbuluxi yena N'winyi loyi a ti endleke nyama.

I mani loyi a nga tshama a yima laha Yena a nga yima kona xana? I mani a nga tshama a vulavula ku kotisa Yena xana? I mani a nga tshama a vula swilo leswi Yena a nga swivula? I mani a nga endlaka swilo leswi Yena a swi endleke? Ku hambana ka Yena a swi khorwisa leswaku A ri Xikwembu. A kuri hava muprefeta kumbe kuri hava nchumu swin'wana a nga endlaka leswi Yena a nga swi endla; Loyi a nga vitanaka mufi a huma esirheni, ni Loyi a nga yimisaka swibakabaka, ni ku endla hinkwaswo leswi A swilavaka ku swi endla. A ri Xikwembu. I mani a nga yimaka endhawini ya Yena xana? I mani? Xana A nga va yini handle ka ku hetiseka kwaloko, Xikwembu lexi nga ni nkala-makumu, xi ti endle nyama xi tshama exikarhini xa hina!

⁹⁶ Ku hava lexi xi pimanyisiwaka na Xona. Xi hanyile eka misava leyi yi nga ya xona N'winyi. Ku hava munhu loyi a nga tshama a vulavula ku kotisa Yena. Loko ntsena A pfula nomo wa Yena, a kuri ni swin'wana ha wona, leswi a swi hambanile kusuka eka un'wana. Un'wana ntsena u vule leswaku A ri ntsena munhu ntsena; ndza swi tlhontla sweswo.

A ri Xikwembu. Sweswo hi leswi Yena ari xiswona. Hikuva, ku hava munhu loyi a nga tshama a vulavula ku kotisa Yena, ku hava munhu loyi a nga vulavulaka ku kotisa Yena, hikuva A ri Rito leri ri hanyaka leri ri nga ti endla nyama rona N'winyi, ku kombisiwa ka kuhetiseka ka Xikwembu.

⁹⁷ Ndzi ta pfumela, vaprofeta va vona a vari ni hungu ra vona. A vari na vona ekusungulen; va na vona sweswi. Kambe a kuri ku hetiseka ka miri wa Vukwembu, lowu tikombiseke lahaya. A ri Un'wana loyi a hambaneke, nakona A ri Un'wana loyi a fanele ku kongomana ni mhaka. Hi matimba ya Yena lamakulu lawa A ri na wona, leswaku hikuhetiseka A nga hava hosi ya misava. U tava yona; nakona hi Yona, eka vakwetsima va Yena, U tano sweswi.

⁹⁸ U yimile lahaya. Hi wihi munhu loyi a nga tava xisiwana, loyi a nga ta pfumala ndhawu yo lata nhloko ya Yena; loyi a tivaka hambi kuri hlampfi leyi yi nga mita xingwece. I mani, i munhu wihi loyi a nga tekaka makhuwani ya mati a ma ncinka ya va wayeni, kutani a ri hava ndhawu yo lata nhloko ya Yena xana? U fanele ku kongomana ni vutihlamuleri lebyi byi nga nyikiwa evokweni ra Yena. I munhu wihi loyi a nga pfuxaka munhu loyi a humaka esirheni, endzhaku ka loko a file mune wa masiku a tlhela a bola?

Xana A tava a nga ti ponisanga yena N'winyi xana? Hakunene, A tava a swi endlile; kambe loko A lo swi endla, A tava a nga hi ponisanga. A fanele ku kongomana ni vutihlamuleri, ni hikokwalaho ka kuva Yena a yingisela Rito! Kwihi, Adam a nga yingiselanga, kutani u tekile ndlela yo tsemekanya, ndle—ndle ndlela yo rhelela eTarshish. Kambe Yesu a teka ndlela yo ya a Niniva, eka Vamatiko, ku ya tikumela yena N'winyi Mutekiwa. Ndzi tsakile hikuva U swi endlile, madyambu lawa. Kutani hi fanele ku kongomana ni timhaka, leswaku hi va Yena, kutani hi susa misava yi ya ekule. Amen!

⁹⁹ Munhu un'wana na un'wana u fanele ku kongomana ni sweswo, loyi a nga ni vutihlamuleri emahlweni ka Xikwembu. Ntsena hi teka, xikombiso, Nowa. A ri na kona. Nowa, Muxé, Eliya, ni hinkwavo ka vona eka—eka nguva yin'wana na yin'wana, a va fanele ku kongomana ni vutihlamuleri. Nakona a va fanele ku endla sweswo, kambe xexo hi xona xivangelo xa kuva va rhumiwile eka awara.

¹⁰⁰ Langutani eka Nowa eka nguva ya yena ya xisayense, hilaha a faneleke hakona ku kongomana ni nchumu lowu a wu ngari wa xisayense. Hikokwalaho ka yini, a ku ngari na—na—na xivangelo xa ku hikokwalaho ka yini xi ngari xa xisayense... Wa vona, a xi—a xi ngari xa xisayense, kumbexana. Hikokwalaho ka yini, va teri kutava ni mpfula

leyi yi humaka eswibakabakeni. A va ngari na thonsi ra mpfula leri a ri huma ematilweni. Sweswi, afanele ku kongomana na swona. Xikwembu xi teri ku tava ni mpfula. Kutani yena . . .

¹⁰¹ Kutani ripfumelo leri ri pfumalaka mintirho ri file; loko mi ku, "Ndza swipfumela," kutani mi nga endli nchumu. Ntsena ku kotisa Hungu, loko mi ku, "Ndza swi pfumela," u nga endli nchumu, xana hi byihi yukahle lebyi swi byi endlaka? Wa vona? Nowa u yile a ya tirha hi hamula ya yena a aka ngalava, ku tiyisisa leswi a ri eku vulavuleni ha swona. Sweswo hi leswi hi lavaka ku swi endla, na hina. Hi fanele ku ya eku tirheni, hi khorwisa ripfumelo ra hina, hi mintirho ya hina. Mintirho ya hina yi khorwisa ripfumelo ra hina.

¹⁰² Muxe a fanele ku swi endla, na Eliya a fanele ku swi endla. Muprofeta un'wana na un'wana hi nguva ya yena a fanele ku yima a kongomana ni vutihlamuleri lebyi. Kambe votala va vona a va endlangi ku kotisa Yonas. U tsutsumile; a va tsutsumanga.

¹⁰³ Xiyisisani, "U wu vulavulela." Oho, mina! Hi leswiya lahaya. Yaleylo i dyondzo, "U wu vulavulela." Kwalahaya i xiphemu xin'wana xa cheke.

Ntsena yana lahaya u ya byela vanakulorhi lava, "I ku, ndzi ta eku mi joyineni n'wina vanhu. Maswivona, ndzi pfumela leswaku ndzi ta mi byela leswi ndzi nga ta swi endla. Ntsena ndzi na swintsongo lahawani ndza pfumela leswaku ndzi nga swi endla . . . swi hi tisa kun'we, ni ku endla *leswi, sweswo, kumbe swin'wana*."

Kambe, akuri leswaku, "U wu vulavulela," loko u fanele hi ku vulavulela swin'wana. Sweswi, a fanele a vulavulela a lwisana na hinkwaswo leswi a swi ri kona kwalahaya; a vulavulela a lwisana na muti, a vulavulela a lwisana na mintirho ya vona, a vulavulela a lwisana na tikereke ta vona, a vulavulela a lwisana na vaprofeta va vona, a vulavulela a lwisana na vaprista va vona. "U wu vulavulela, nchumu hinkwawo! U wu vulavulela!"

¹⁰⁴ Nowa u vulavulerile nguva ya yena. Hakunene, u swi endlile, ku lwisana ni tikereke ta nguva ya yena.

Muxe hakanyingi u vulavulerile nguva ya—ya yena; vanhu, vaprista, ni kuya emahlweni. U vulavulerile hinkwako emananga. Kutani emahambanweni hinkwawo, u huwelerile, a ya emahlweni ni ku huwelela vanhu.

Eliya a nga dumanga hi siku ra yena, hikuva u vulavulerile nguva ya leyo. Hakunene a ri tano.

¹⁰⁵ Yohana Mukhuvuri a nga dumanga ngopfu eka nguva ya yena. U vulavulerile nguva ya yena. U teri eka hosi, mu—mu mufumi wa—wa tiko; a—a ri na kona, u tekile nsati

wa makwavo wa yena. A fanele ku chumayela hi vukati niku thalana, mixo wun'wana. Swingaleswi u lvisanile na swona, a ku, "A swile nawini eka wena leswaku u nga n'wi teka." Swi n'wi vangele, leswaku nhloko ya yena yi tsemiwa, endzhaku, kambe u vulavulerile a yima eka ntirho wa yena wa nfanelo.

A nga kalanga a teka xikepe xo ya a Tarshish, a ku, "Kunene, ndzi ta yima na wena, Heroda. Swilulamile. Ntsena loko wa ha ehleketa leswaku i wansati wa kahle, u ku endla u va nsati wa kahle, yana emahlweni." Oho, tintswalo. Tifayiduku ta vona, maswivona, ina, ntsena xin'wana na xin'wana lexintsongo... Hikokwalaho ka yini, a ti nchumu handle ko hlantswa tindhichi to thyaka ha wona.

¹⁰⁶ Kambe, xiyisisani, Yohana a ngari hi ndlela ya leyo. U kongomanile na swona. A ku, "A swi le nawini leswaku u nga n'wi teka." Ina, nkulukumba. Kutani u humile a lvisana na swona.

¹⁰⁷ A va kalanga va tsutsuma. Yohana a nga swi endlanga. Va yimile va kongomana ni mhaka. Muxe u ringetile ku tsutsuma, nkarhi wun'wana, ku kotisa Yonas, kambe Xikwembu xi n'wi vuyisele endzhaku. Votala va vona va ringetile ku swibalekela; va nga ha sungula...

Kambe, langutani, loko Xikwembu xi mi vitanile, nakona mi ri na ntiyiso wa leswaku Xikwembu xile Hungwini, ku hava lexi xi nga ta mi tlherisa. A swi kalanga swi jikisa Yonas. Ee, nkulukumba.

¹⁰⁸ Amos wa khale, u huwelerile, a ku, "Nghala yi dumadumile, i mani a nga tak a nga chavi xana? Loko Xikwembu xi vulavula, loyi a nga tak a nga profeti i mani?" Loyi a nga tak a nga profeti i mani, loko mi vona Xikwembu xi vulavula ni ku vula nchumu wun'wana leswaku wu ta humeleta, kutani hi luwa lahaya?

¹⁰⁹ Nghala yi dumadumile, un'wana na un'wana wa chava, ina, nkulukumba, loko mi tshame mi twa yin'wana yi dumaduma ekhwatini. Mi nga ha twa miyawu ley i ku rhendzeleka hi mabakwa lawa nga lahawani, tinghala ta vona leti nga lerhisawa, kambe mi fanele ku twa ka ntiyiso, yin'wana ya nhova yi dumaduma nkarhi wun'wana. Swiribiana swi tava swi suka exigangeni, kuringana ntlhanu wa madzana ya majarata ekule. Ndzi lava ku vona laha ku geva hinkwako ku nga ta huma hile mahawini hinkwawo ya vona. Nakona u cukumeterile nhloko ya yena ehansi, a cukumetela voya byebyo; a ndzi kalanga ndzi twa nchumu... Ku kotisa na—na mpfumawulo wo duvula lowu wu sukaka, loko a geva a humesa ku dumaduma kwaloko lokukulu emahawini ya yena. I mani a nga tak a nga chavi xana?

Va ri, loko u tshame u dlaya hi nghala, a swi vavi. U ku chavisela ro fa a nge se ku khoma. Wa vona, a mi swi xiyisisi. Wa mi chavisa hi ku leva kwaloko lokukulu ka ku dumaduma, kutani lahawani u na n'wina eka sekondo ley i hangalakeke.

¹¹⁰ U teri, “Nghala yi dumadumile, loyi a nga taka a nga chavi i mani? Kutani Xikwembu xi vulavurile, loyi a nga taka a nga profeti i mani?” Loko mi vona Xikwembu xi endla swin’wana, mi ri . . . “Swi nga ha endleka ndzi ngari muprofeta . . .” Yonas u teri . . . “Swi nga ha endleka ndzi nga ri muprofeta, kumbe n’wana wa muprofeta. Kambe Xikwembu xi vulavurile, loyi a nga taka a nga profeti i mani?”

¹¹¹ Swi nga ha endleka ndzi nga ri muprofeta, swi nga ha endleka ndzi nga ri swona *leswi*, *sweswo*, kumbe *swin’wana*. Loko ndzi vona Xikwembu xi endla swin’wana, nakona ndzi swivona eRitweni lahawani, nakona leswi Xi nga swi tshembhisa, i va mani lava va nga ta miyela va nga vuli nchumu xana? Hakunene, Xi swi endlile.

¹¹² Hambi hi nga ti tumbeta endzhaku ka mikhuva ni hinkwabyo vunakulobye lebyi nga lahawani, kuya ehansi e— Tarshish. A hi swilavi ku famba na vunakulobye bya vona.

¹¹³ Kambe votala, ku kotisa Adam, va endla swo fana, va ringeta ku susa swin’wana va vekela swin’wana hi ndlela yin’wana, ni ku ringeta ku kuma ndlela, yo—yo susa swin’wana ematshan’wini ya swin’wana, ku kongomanila na Xikwembu. Endzhaku ka kutiva xihoxo, u kongomanila na Ntiyiso, u fambe kun’we na nsati wa yena a ya endla hilaha Xikwembu xi nga n’wi byela ku swi endla. U yile emahlweni a ya swi endla, hi ndlela yin’wana. Kutani u tikumile a nga ambalanga, wansati na yena, havumbirhi, entangeni wa Eden. Mahlo ya vona ya pfulekile. Va tive swo saseka ni swo biha, kwalaho. Kutani u ringetile ku kuma swin’wana ematshan’wini ya swin’wana, hi maendlelo yo tifunengeta yena n’winyi ha swona.

Sweswi, yaleyo yo va ntsena ndlela leyи hi endlisaka xiswona namunlhа, xibajelo, hi ku, “Kunene, ndza ku byela, loko a swi ri *lahawani*, kumbe loko *leswi*.” Kumbe, “loko, loko, loko,” sweswo ntsena . . . Wa vona? Kambe maboheka ku kongomanila na swona. Swi nga hava swi ri kahle kumbe swi ngari kahle. Kutani loko swi ri kahle, a hi tshameni na swona. Loko swi hoxekile, swi sukeleni. Hi swona hinkwaswo sweswo. Kumani leswi . . . Lavisisa leswi swi nga kahle. A swilavi u tshama nkarhi wo leha. A hi wu kumeni sweswi leswaku Ntiyiso i yini ni leswi swi nga kahle, ni ku tshama na swona. Ha switiva leswaku walowo i ntiyiso.

¹¹⁴ Sweswi, hikuma leswaku namunlhа vanhu va hina va tano . . . Swi tikomba tani hiloko ku tshembheka hinkwako ku fambile ku huma etikerekeni. Ndzi . . . Eka . . .

¹¹⁵ Hi hanya endlwini lahaya leyи yi nga na sesi wo xonga loyi a taka ekerekeni. Swi nga ha endleka a ri kona lahawani madyambu lawa. Kutani wa ti humesela rhente yena . . . evanhwini. Nakona a ri kahle swinene eka hina hi ndhawu ya leyo, kuva a hi pfumelela kuva na ndhawu ya leyo.

Kutani swingaleswi ndzi ta vula vito ra yena, kambe swi nga ha endleka a nga swilavi leswaku ndzi swi endla. Kutani u kahle swinene eka hina, kunene, hakunene a hi nge—a hi nge n'wi paluxi. Kambe i wa kahle, wansati wa kahle wo rhandzeka. Kutani endlwini, akuri na thelevhixini eka tlhelo rin'wana. Hi na swintsongo, swimbirhi, swintambyana swimbirhi.

Ndzi na ndyangu lowukulu, ni ntlawa wa lava ntsongo, kutani hi...nakona ma—ma switiva n'wina, nakona vafanele kuva na mibedwa, ni ku tala ka vona. Kutani hinkwaswo swi tlhandlekeriwile kun'we ehenhla, nakona u fanele ku famba eka *leswi* nile ka *sweswo*, ku nghena niku huma.

¹¹⁶ Kutani lahaya avari na thelevhixini. Kutani eka thelevhixini leyi, vana lava a vafanele ku yi hlalela, hi Sonto ni mixo, maendlelo yo yimbelela lawa a ya huma kona. Kutani, maswitiva, hakanyingi yi—yi ta miendla mi khomiwa hi tingana; loko kuri hava Vukreste bya xiviri kun'wana laha mi nga vekaka mavoko ya n'wina kona, ku vona leswi swi vitaniwaka Vukreste. Hikokwalaho ka yini, a switikomba tani hiloko vutshembheki byi humile eka yona. Hikokwalaho ka yini, a va tano, a va tikombi vari...Hikokwalaho ka yini, ntsena swa chavisa hi ndlela leyi va nga yimisa xiswona lahaya niku phutsa swibakele va sungula ku lwa, kwalahaya, ni ku ringeta ku yimbelela tinsimu ni hinkwaswo swo kotisa sweswo; ni ku humesa mafenza lawa ya nga tikelaka mutluti ku ya humesa, ni kuvula muxaka hinkwawo wa ma endlelo ya swilo, ni n'wana a ya emahlweni. Maswitiva, ku kwetsima ka—ka—ka Vukreste ku languteka ku lahlekeriwa hi ndhawu ya yona.

¹¹⁷ Sweswi, ndzi ya ekerekeni ni—ni ku vona mufundhisi a yima lahaya a tivisa leswaku ku tava—ku tava ni—ni nyoxi leyi yi khidaka. Ni vavasati hinkwavo vale ka tisuti leti hinkwato to hlambela, hinkwavo va huma va ya kwalahaya. Va ya eku phikizaneni; vavasati lava, va khidaka. Nakona va ya va na—na ntlangu wa maendlelo ya n'wana, kutani va taya va ya fraya tihuku to—to tala, va beja na bankho, ni—ni hinkwaswo swilo leswi swo kotisa sweswo. Eka mina, sweswo swi teka ku tshembheka ka xiviri ka Vukreste; ntsena ku tiseketela hi swin'wana na swin'wana.

¹¹⁸ Ndzi vonile, kuta lahawani, hikuma leswaku...Maswitiva, hikuma leswaku vasesi va hina votala va ambala swo koma, ehenhla lahawani eka tiko leri ro titimela, ku tlula kuva u va kuma lahawani eka tiko leriya ro hisa. Wa vona, i ntiyiso. Ehandle lahaya laha ku hisaka hakunene, a hi votala va lava va ambalaka. Kambe lahawani, laha—laha ku titimelaka, va—va swi endla. Wa vona, i, a va switekeli enhlokweni leswaku i dimona ri endlaka sweswo. Wa vona? Sweswi, loko swi tava swi tshamisekile, loko swi ta mi pfuna, swi tava swi hambanile. Vana munhu, ndzi ehleketa leswaku swi languteka swi

hlambisa timbilu eka munhu, kambe—kambe a mi—a mi—ngevi na mhaka na munhu. Kambe, manana, miri wa—wa yena wa kwetsima, nakona u boheka ku wu hlayisa hi ndlela ya leyo. Ni ku vona swidyuhati...

¹¹⁹ Mi nga ha swivona, vanhu va namunthla. Ku ni mimoya yi mbirhi. Kutani wun'wana wa kona i Moya lowo Kwetsima; lowun'wana i moya lowu nga kwetsimiki, kutani un'wana u fuma hi walowo. Kutani havumbirhi bya yona i ya vukhongeri. Sweswi, ahaa, xexo i xiphemu lexi xi chavisaka, havumbirhi bya yona i ya vukhongeri. Ku kotisa Esau na Yakob hilaha a vari ha kona, havumbirhi a va khongela; ku kotisa Kayini na Abel leswi a vari xiswona, havumbirhi a va khongela; ku kotisa Yudas na Yesu hilaha avari ha kona, havumbirhi a vari vakhongeri, havambirhi a vari vakhongeri. Kutani ha swivona namunthla, hi matlhelo ha mambirhi, ya vukhongeri. Wa vona, ka hari moya wun'we. Vanhu va fa, kambe moy a wu fi. Wu ya emahlweni, havumbirhi i va khongeri.

Un'wana wa vona u fumiwa hi Moya lowo Kwetsima, lava hanyaka muxaka wa mahanyelo lawa va fanelaka ku hanya ha wona, ni ku famba tani hi vakhongeri niku tshembheka. A va nge ku bi u sala u ri hava na peni, nikuva va—va endla hinkwaswo hi ku tshembheka leswi va nga swikotaka, ku mi pfuna. Kutani lava n'wana va ta... Ntsena hi ku saseka tani hilaha va nga vaka ha kona.

Kutani van'wana, hi kuma leswaku, ntsena swa fambisana. Kutani, hambi swi ri tano, ha vumbirhi bya yona i mimoya ya vukhongeri, yimbirhi ya yona; wun'we i, Moya lowo Kwetsima; ni wun'wana, moya lowu nga kwetsimiki. Nakona loko mi swixiyisisa, swi ta, hambi loko yi ri karhi yi koxa vukhongeri, va ta mi hleka va mi vitana va vumbuluki lavo kwetsima. Va endla hinkwaswo leswi va swi kotaka.

¹²⁰ Va, tsan'wa Rito ra Xikwembu leri nga—nga hundzukiki, tani hiloko Ri nga kalanga ri tsariwa.

Wa vona, mi nga ha ku, “Sweswi, langutani lahayani, loko-loko nkhuvulo...”

“Ndzi na Moya lowo Kwetsima!”

“Kutani u yimile lahaya na sigara ri ri evokweni ra wena, u ri eku zaheni?”

“Ina, ndzi na Moya lowo Kwetsima! A ndzi ehleketi leswaku swi hoxekile ku nwa nyana. A ndzi ehleketi leswaku swi...” Wa vona?

Kutani mi kale mi swixiyisisa, “A ndzi ehleketi”? Kambe Xikwembu xi ehleketa ku hambana, maswivona, kuya hi Rito ra Xona. Wa vona? Wa vona, va... Nakona ntsena va—va olovile swinene tani—tani hiloko mi Ri tshwutela hi marha. Hi swona sweswo hakunene.

¹²¹ Ntsena hi vunyingi tani hi xilema lexi lexintsongo xa khale munhu loyi a nga kasakasa hi nkarhi walowo, loko Davida atava a tsemiwile exiluvvelweni xa yena. A ya eku gonyeni ehenhla ka Ntshava ya Mutlhwari, a huma, a huma a ri karhi a rila tani hiloko a gonya ehenhla, a languta endzhaku. Kutani nakolorhi loyi lontsongo wa khale a kasakasa lahayana nakona a ri eku n'wi tshwuteleni. Kutani murindzi ya loye u teri, "Ndzi ta pfumelela . . . nhloko ya leyo ya mbyana yi tshama eka yena, kutani yi tshwutela hosi ya mina?"

Davida u teri, "N'wi tshikeni a ri yexe." Wa vona, va n'wi tshwutela hi marha.

¹²² Kwalomu ka nhungu wa madzana wa malembe loko ya hundzile, va tshwuterile N'wana wa yena, Yesu Kreste, na yena.

Kutani namuntlha va ha N'wi tshwutela nakambe. Tani hiloko a Ri ngari tano hambi . . . Ku xixima, kuva va ngari na mhaka, ntsena vahundzuluxa hloko ya vona va fambela ekule na Rona, va tlhela va mihekela exikandzeni xa n'wina. Hikokwalaho ka yini swi ri tano? Vale xikepeni xo ya eTarshish. Sweswo hi swona.

Ku vitana loku eka Xikwembu, mi fanele ku vulavulela mi lwisana ni swo biha, vulavulelani mi lwisana na vudyoho, vulavulelani mi lwisana ni leswi nga hoxeka. Sweswi, tsundzukani, swi tava tano.

Heyi, maswitiva, eka nkarhi lowu. Maswitiva, ndzi hambanile hi tiawara timbirhi. Nakona eTucson kova ntsena khume ra timinetse ku bile awara ya nkombo, nakona—nakona ndzi kumeka ndzi ri wa maendlelo—maendlelo ya kuva ndzi huma endhawini ya mina lahwani. Haa? Hi swona.

¹²³ Sweswi tsundzukani, hi taya hi ya tihamulela ha swona. Tsundzukani, lava va nga tshwutela Kreste va ta tihamulela ha swona.

Loko Davida a ta tlhelela endzhaku a suka a vuchawela—whawha, loko a hari mubaleki, kutani loko a tlhelela endzhaku, tsundzukani, nakolorhi loyi u wele exikandzeni xa yena a kombela ku tsetseleriwa. U tshwuterile Davida hi marha, a famba a huma, kambe a tilulamiserile ku hlantswa milenge ya yena hi mihloti, nakona, loko a tava a tlhelerile endzhaku.

Nakona siku rin'wana lava va tlhaveke Yesu va ta swivona.

Ni lava va N'wi tlhavaka namuntlha va ta swivona, na vona. Vona, siku rin'wana, swi ta tlhela swi vuya. Tsundzukani, Nhlavutelo 22, U hi lava hi hlayisa Rito rin'wana na rin'wana leri Yena a nga ri tsala; Rito rin'wana na rin'wana.

¹²⁴ Sweswi ha switiva leswaku Vukona bya Yena byi kwallahawani. Byi tiyisisiwile. Hi na byona. Ha tshembha, leswaku vhiki leri ri taka, ri taya emahlweni ri tiyisisa eka hina; vavabyi va ta hanyisiwa, ni swilo leswikulu swi ta humelela.

A hi lavi miehleketo yo duma. Hi lava Ntiyiso. Kutani a hi swilavi, a hi (lavi) swilavi ku—a hi swi lavi ku kongomana ni leswi swi ngariki nchumu handle ka leswi Xikwembu xi nga swivula leswaku i Ntiyiso. Kambe, “Mi va ni ntiyiso wa leswaku swidyoho swa n’wina nkahrhi hinkwawo swi ta mi kuma.” Loko swi nga endleki lahwani, swi ta mi kuma eku Avanyisiweni. Swingaleswi mi—mi... Swi ya eku mi kumeni kun’wana, sweswi. Ina, nkulukumba.

¹²⁵ Kambe loko u ri Mukreste wa ntiyiso, wa ntiyiso loyi a nga vitaniwa ku kotisa Yonas leswi a ri xiswona, Xikwembu khale xi ku khomele hakelo ya wena. Chika eka xikepe xexo xi yaka eTarshish, hi ndlela yin’wana. Xikwembu xi ku hlawulele eka vutomi lebyi. Ina, nkulukumba. Loko u ri wa ntiyiso, n’wana wa Xikwembu, loyi a nga vitaniwa, ku ta eka Kreste. U ta eka ku hetiseka ka Yena. Ndlela ya wena yi hakeriwe kuya kwihi? Yi hakeriwe kuya eNiniva, ku ngari eTarshish. U hlawuriwile. Xikepe xa wena... Ku na xikepe lexi xi sukaka sweswi, eka ndlela ya xona. Swingaleswi kova na nchumu wun’we ntsena ku wu endla, i ku nghena eka xona. Kutani loko a wu fana na Xikwembu, a wu nga tava na ku rhula...

¹²⁶ Ku kotisa xitukulwani xa mina, xinkadyana lexi xi nga hundza. Kwalomu ka khume ra malembe sweswi, u yile eka phuphu kusuka eka mhandzi. Mixo wun’wana u ya eka kereke ley, kereke ley ya Khatholiki ehansi lahwani, kutani a teka ley hikuva fada un’wana wo kwetsima loyi a vulavula hi yena u lahwani, kutani un’wana u *lahwani*, ni un’wana u *lahwani*. Xana hinkwaswo a swi hlayela yini xana? Wa vona? Kutani sweswi wa hari nandlala ni torha. Ndzi ku, “Ndhwau ya wena yile altarini ehansi lahaya, jaha.” Wa vona?

Ku hava ndlela yo huma eka swona. Loko Xikwembu xi tshame xi humesa eka n’wina, ntsena u nga ha tshika u tiyela emahlweni. Hi swona hinkwaswo sweswo.

¹²⁷ Tsundzukani, Xikwembu! Kunene, Xikwembu a xiri ebyatswini. Xikwembu a xi ri exidzedzeni. Xikwembu a xi ri eka hlampfi. Hinkwako laha a jikela kona, Xikwembu a xi ri kwalahaya.

Wa vona, Xikwembu xi kwalahaya, nakona xi ta tshamelar ro mi hlota. Swingaleswi hikokwalaho ka yini hi hlwela? A hi sunguleni mpfuxelelo lowu kahle. A hi swona! Xana mi yimele yini? Ha pfumela leswaku ku Vuya ka Hosi kule xandleni, nakona Xi tava na Mutekiwa, nakona U tilulamiserile. Nakona a hi lavi ku tlutela eTarshish rin’wana hina. Hi ya eNiniva. Haa! Hi ya eku Kwetsimeni. Amen. Hi swona sweswo. Hi ya laha Xikwembu xi nga ta hi katekisa, kutani sweswo hi swona hi swi lavaka ku swi endla.

¹²⁸ Pavalalani eVukoneni bya Xikwembu, kutani, ni timbilu ta hina; ku ngari mavoko ya hina, ngopfu–ngopfu, kambe timbilu

ta hina emahlweni ka Xikwembu, ku fikela laha Xi hi endlaka nguva, kuya emahlweni nile mahlweni, tani hi sweswo, hi minseve ya ku kwetsima ka Xona; niku hi bakela vukahle bya Xona—Xona, ni ku vupfisa leswi hi nga swi khoma, swiva leswi hetisekeke, wa vona, ku fikela laha hi nga kombisaka van'wana leswaku Yesu Kreste wa hanya. Oho, mina! Hi lava ku swi pfumela sweswo.

¹²⁹ Kutani tsundzukani, laha Yonas a ya kona, Xikwembu a xi ri ebyatsweni; Xikwembu a xi ri exidzedzeni; Xikwembu a xi ri enhlampfini. Xi fambe xi ri kahle kun'we na Yonas kufikela laha ku rhandza ka Xona ku endlili. Hi swona sweswo.

Kutani loko Xi tshama xi ri endzhaku ka n'wina, u nga ha doja *lahawani*, u doja na *lahaya*, kambe u tava la nga tsakangiki ku kondza u vuyela endzhaku u ta endla swilo leswi u swi sunguleke na Xona ku swi endla eka ndhawu yo sungula. Wa vona? U ngayi, u nga balekeli Vukona bya Xikwembu. Kongomana na byona. Wa pfumela leswaku i Ntiyiso, swingaleswi pfumelani... Loko wuri Ntiyiso, wu enele leswaku u hanya hi wona, u wu fela, ni swin'wana. Kutani loko Xi tshame xi ti kombisa eka n'wina, leswaku i Ntiyiso, swingaleswi hi ngaka hi nga swi balekeli, ku hava ndhawu. Xi tava xi ri kona kwalahaya, ntsena ku fanana. U ngaka u nga swi endlili.

¹³⁰ Hi muprefeta wa Xona loyi xi n'wi tiseke, loyi Xi nga n'wi hlawula ku ya ehansi lahaya ku ya vula hungu lero. Sweswi, swilanguteka tani hiloko Xi nga rhumela muprefeta un'wana, kambe Xi hlawurile Yonas; nakona hambi kuri Eliya a nga ta swi endla; Yeremiya a nga ta swi endla; Muxe a nga ta swi endla. A kova Yonas loyi a fanele ku ya eNiniva. Hi swona hinkwaswo ka swona lahaya. Xi n'wi lerisile xi n'wi byela leswaku a famba. Kutani loko Xi ku, "Famba lahaya, Yonas, yana eNiniva," akuri hava un'wana loyi a nga yaka a ya swi endla sweswo handle ka Yonas.

Kutani loko Xikwembu xi mi byela swin'wana, mi fanele ku swi endla; a kuna munhu un'wana. Wa vona, ntsena hi fanele ku kongomana na swona, nakona, ni kuya swi endla.

¹³¹ Hi pfumela leswaku hi hanya eka awara leyi Xikwembu xi nga eku endleni ka swin'wana. Hi pfumela leswaku hi hanya exikarhini xa vona sweswi. Ndzi pfumela leswaku madyambu lawa ndzi chumayeleta ya leyo leyi—leyi yi nga pavalala, yi rindzeleke leswaku ntsena ku vupfa. Ndza—ndza swi pfumela sweswo hakunene, hi mbil ya mina hinkwayo. Ndzi ta vula leswaku swa fana sweswi tani hilaha swi tollovelekeke kuva ha kona.

¹³² Sweswi, hi pfumela leswaku awara yi fikile leyi Mukwetsimi Yohana 14:12 yi faneleke ku hetiseka. Hina, hi pfumela leswaku Malakiya 4 yi boheka ku hetiseka. Hi

pfumela leswaku Luka 17:30 yi boheka ku hetiseka. Hi pfumela sweswo, hinkwabyo vuprofeta lebyi Xi nga byi vula byi ta hetiseka hi siku leri. Hi pfumela leswaku bya boheka ku hetiseka, kutani hi pfumela leswaku ha va vona va hetiseka sweswi. Sweswo hi swona.

¹³³ Tshikani ku tsutsuma. Mi nga humi eVukoneni bya Xona; ntsena gonyani mi ya eVukoneni bya Xona. Hi swona sweswo. Nakona ndza switiva leswaku hi leswi mi tsakelaka ku swi endla. Hikuva, ndzi vona tilayisense leti humaka eTexas, na Louisiana, ni hinkwako. Sweswo hi swona swi endlaka leswaku hi va lahawani, a hi ku balekela vukona bya Xona, kambe ku tsutsumela eVukoneni bya Xona.

Vuyela endzhaku, suka eka... [Xivati lexi nga riki na nchumu eka thepi—Muhleri.] ...a kuri Yonas, loko a wuri eku kayakayeni leswaku u nga famba hi ndlela yihi kumbe u nga endla yini, tana, u ta nghena eka xikepe na hina emadyambyini lawa. Hi kongoma eTarshish, ku ya vulavulela...kumbe, Niniva, ku ya vulavulela. Hi pfumelela xikepe xexo xa Tarshish ku ya kona loko va swilava. Hi na nfanelo emahlweni ka Xikwembu, leswaku, hi Hungu leri hi naga na vutihlamuleri ha rona.

¹³⁴ Swingaleswi eka vhiki leri ri taka, ntsena manghenelo nyana madyambu lawa, ku endlela leswaku mi switiva. Loko ndzi vulavulela, ntsena ndzi na vutihlamuleri hi Hungu, vamakwerhu. N'wina vaministara mi nga tshama lahawani, a ndzi lahawani ku ta mi kandziya xikunwani xale makumu. Na n'wina vavasati ni vavanuna, eka mhaka leyi ya vukati ni ku thalana leyi yi taka, ndzi mi lava leswaku mi swi twisia madyambu lawa. Ndzi vule hinkwaswo leswi, kuva ndzi mi kumele leswi, leswaku ntsena ndzi na vutihlamuleri ntsena eka Xikwembu.

Kutani, nakambe, ndzi na vutihlamuleri ha n'wina, bya kuva ndzi mi byela Ntiyiso. Nakona ku hava leswi ndzi nga ta mi byela swona handle ka Ntiyiso, ntsena loko Xikwembu xa ha ndzi pfumelela ku tiva Ntiyiso lowu wu nga xiswona. Ku fikela laha ndzi tivaka Ntiyiso, ndzi ngaka ndzi nga vuli nchumu ha byona, wa vona, ndzi ngaka ndzi nga vuli nchumu ha byona. Kambe ndza pfumela leswaku Xikwembu xi ndzi kombeta Ntiyiso eka *Vukati Ni Ku Thalana*, nakona ndza tshembha leswaku Xi ta ndzi pfumelela leswaku ndzi ri humesa.

¹³⁵ Kutani Mahungu ya n'wana lawa ndza ha pimanyetaka kuva na wona vhiki leri, i, *Xana I Mani Melkisedeke Loyi? Xana Hikwihi Laha Xikwembu Xi Nga Hlawula Ku Akisa Vito Ra Xona Kona?* Kutani ni swintsongo swo kotisa swilo leswi, laha ku nga Mahungu lawa ya taka, ni *Switlhavi Swa Mbeleko*. Ni—ni swilo swintsongo, sweswo eka—eka odara ya leyo, ni

kuva hi ya bumabumela *Wanuna Loko A Hlawula Nsati Wa Yena*. Ni swin'wana swintsongo, Mahungu ya vona, ndzi lava ku ya tisa vhiki leri. Kambe ntsena ndzi lava nhlengeletano...

¹³⁶ Laha, loko kutava na muministara lahawani; a ndzi kona lahawani, vamakwerhu va mina...A ndzi mi lavi, kumbe van'wana va n'wina timembara, mi tlhelela etikerekeni ta n'wina, mi ya ku, "Makwerhu Branham u vule *leswi* na *leswi*."

Ndza boheka eka Hungu leri ndzi nga nyikiwa rona leri humaka eka Xikwembu xa Matimba hinkwawo. Tani hilaha ndzi nga yima lahawani madyambu lawa, nakona Xikwembu xa switiva leswaku i ntiyiso, leswaku ehansi eka nambu lowu... Ku na vanhu, kumbexani, ku tshama lahawani, loko Ntsumi ya leyo ya Hosi yi ta enhlela kwalahaya ni ku ndzi byela leswi Yi nga swi endla, kwalahayani hi 1933, kona kwalahawani eSpring Street. Loko u nga tshami kona lahawani, chayela u enhlela ehansi. Ku na khona ya Spring Street, kwalahaya hilaha mi baka nambu, kutani kwalahaya hilaha swi nga humelela. Sweswo a swi ri hi 1933. Swi hikwalaho ka makume nharhu-mbirhi wa malembe lawa ya nga hundza, kwalaho. Oho, akuri makume nharhu-...a kuri makume nharhu-...makume nharhu-mbirhi wa malembe lawa ya nga hundza, malembe ya makume nharhu-mbirhi lawa ya nga hundza.

Kutani ni hilaha Xi nga tisia xiswona sweswo ehansi, hinkwaswo. Kutani hi humile, hi tisa Hungu, ni ku vona vavabyi va hanyisiwa, la nga voniki, na xilema, ni la nga kotiki ku famba, ni wo khwita, ni hinkwavo. Kutani hambi kuri ku vona mufi, loyi hi switivaka leswaku swi tiyisisiwile, a pfuka ekufeni. Vanhu va fa, vatlhela va pfuxiwa va tlhela va hanya nakambe, ni hinkwaswo swilo leswi. Loko Hungu ri ya emahlweni, ku na masingita ni swihlamariso!

¹³⁷ Nakona wa ha swivona leswaku xikolo xexiya xa khale xa miehleketo lexi u nga ta na xona? Leswaku a xihumi eka Xikwembu. Xikwembu ntsena a xi nge endli...

Xikwembu xile ku ringetenka ka ku mikoka rinoko eka Swin'wana.

¹³⁸ Kutani loko Yesu a tava a humile, U sungurile ku hanyisa va vabyi, niku endla mintirho leyikulu ni swin'wana. Yena, minkarhi hi nkwayo, U...Yesu u swi endlile. Na Muxe na Yesu va swi endlile, ni hinkwavo ka vona. Kutani loko A hari lahawani, U swi endlile.

Kutani U le ku swi endleni, leswi swi fanaka namuntlha. Loko A rhumela nhlengeletano yo kotisa ya leyo, mimpfuxelelo, ni ku sungula nhlengeletano emisaveni, ni ku sungula ku famba-famba ni masingita lawa lamakulu na swihlamariso. Kutani maswivona, ku vuyela endzhaku, xikolo xexiya xa

khale xo dyondzisa, kuna—kuna swin'wana swi nga hoxeka kun'wana. Ku ni swin'wana swintshwa swi taka! Loko Yesu a huma, endzhaku, loko . . .

¹³⁹ “Hi Yena rabi wa kahle.” A nga haya eka phulphiti yin'wana na yin'wana a ya chumayela, loko A hanyisa vavabyi. Loko, oho, va swi naverile ku va na Yena lahaya.

Kambe siku rin'wana loko A tshama ehansi, a ku, “Mina na Tatana wa Mina hi Un've,” makwerhu, A nga ha dumanga endzhaku ka sweswo. Loko A teri, “Handle kaloko mi nga dya nyama ya Mina, mi nwa na Ngati ya Mina, a mi na Vutomi eka n'wina. Kambe loyi a dyaka nyama ya Mina, anwa na Ngati ya Mina, u na Vutomi lebyi nga Heriki; kutani Ndzi ta n'wi pfuxa hi siku ra makumu.” Kutani, A nga dumanga kusuka kwalaho.

¹⁴⁰ Va teri, “Munhu loyi i vhamphaya. Munhu loyi i Beelzebub. Ya leyo hi yona ndlela leyi A nga swi endlisa xiswona swilo. A nga ha femba. U langutisa miehleketo ya—ya vona a twisia mianakanyo ya vona. Hi Yena xingomatanda.”

Kambe, akuri yini, A—A ri Rito ra Xikwembu leri ri tikombiseke eka awara ya leyo. Nakona aboheka. U teri, “Minkarhi hinkwayo ndzi endla leswi swi tsakisaka Tatana wa Mina.” Xikwembu a xi hi pfuni hi endla swo fana, hi endla leswi swi tsakisaka Tatana.

¹⁴¹ Kutani ndza tshembha hinkwerhu ka n'wina mi ta switwisia. Loko mi nga yimi na mina eka Mahungu lawa ni swin'wana, kutani mi ta switsundzuka, ntsena wo va ni ku xixima loku, leswaku ndzi na vutihlamuleri, nakona a ndzi yi eTarshish. Ndzile ndleleni yo ya eNiniva, kutani ndzi—ndzi ya eku vulavuleleni. Hosi a yi mi katekisi hinkwenu.

A hi korhamiseni tinhloko ta hina ntsena xinkadyana.

¹⁴² I hafu ku bile awara ya nkanye. A ndzi lavi ku mi khomeleta, kambe ndzi lava ku kuma leswi loko ndzi nga swikota, madyambu lawa. Va ngava vari kona lahawani lava—lava ntsena va nga riki kona laha a va fanele vari eka Kreste, kambe mi—mi ri karhi mi lava kuva kona, nakona mi tsakela kuva kona, ntsena mi nga ha yimisa mavoko ya n'wina, mi ku, “Makwerhu Branham, ndzi khongeleti”? Xikwembu a xi mi katekisi, ntsena langutani mavoko. “Ndzi—ndzi lava . . . Ndzi kwalahawani, Makwerhu Branham, ku tshunela ekusuhi na Xikwembu.”

Kutani loko mi pfuxile tinhloko ta n'wina, ra mina—mina voko rile ehenhla, na rona. Sweswo hi leswi ndzi nga tela swona lahawani. Ndzi na ndlala, ku kotisa n'wina.

¹⁴³ Kambe, oho, siku rin'wana, xin'wana xa swilo leswinene swi humelerile, kutani ndzi—ndzi tiva leswi ndzi nga ta swi endla. Kutani ndza—ndza khongela leswaku Xikwembu xi ta mi nyika ku twisia kwaloko. Swi lahaya. I . . . Loko kuri

na xivutiso emiehlekeweni ya n'wina, ku fanele kuva na nhlamulo kun'wana, ku hlamlula xivutiso xexo. Xikhongelo xa mina, i ku, Xikwembu a xi mi pfumeleli ku vona xivutiso xexo nikuva xi hlamlula hi nkarhi lowu.

¹⁴⁴ Loko mi vabya, i ngaku Xikwembu xi nga mi hanyisa. Hi tava na tinhlengeletano to hanyisa vavabyi, ndza pfumela, swi ri karhi swi voniwa madyambu yan'wana ni yan'wana, kutani hi taya hi ya khongelela vavabyi. Hi ta endla hinkwaswo leswi hi nga ta swikota ku mi pfuna, nakona mi endla hinkwaswo leswi mi nga swikotaka ku hi pfuna. Kutani hi ta tirha swin'we, hi ri karhi hi tshembhela eka Xikwembu leswaku xi ta hi nyika nhlengeletano leyikulu.

¹⁴⁵ Sweswi, Xikwembu Tatana, marito nyana lawa ya tsemeleriweke lawa, kambe yale mavokweni ya Wena sweswi. Hosi, ya vuriwile. Ndzi ta fanela ku hlangana na wona. Ntsena tani hi... Marito ya vona ya ngaka ya ngafi; ya ta rhendzeleka niku rhendzeleka hi misava, ya va rhikhodo, kutani siku rin'wana ndzi ta boheka ku kongomana na wona nakambe. Ndzi swi tekele enhlokweni leswi, Hosi, nakona ndzi swivula hi ku enta ka ku tshembheka.

¹⁴⁶ Ndza khongela, Xikwembu lexi xi rhandzekaka, madyambu lawa, leswaku un'wana na un'wana eka lava, vana va Wena. Nakona, O Xikwembu, ndza tshembha, leswaku vhiki ri nga se hela, va ta—va ta switwisisa; leswaku xivutiso, lexi xi nga xikulu emiehlekeweni madyambu lawa, xi ta tshamiseka. Hi nyike swona, Hosi.

¹⁴⁷ Ku ni van'wana lahwani lava va nga Ku tiviki, Tatana, tani hi Muponisi, sweswi, kumbe a va se tshama va tatiwa hi Moya lowo Kwetsima. Leswaku lawa ya ngava ya ri wona madyambu ya lawa.

¹⁴⁸ Hosi, a ndzi nge swikoti ku tata un'wana na un'wana hi Moya lowo Kwetsima; hambi kuri ku ponisa munhu. Ndzi nga va byela ntsena leswi U nga swivula, "Ku katekile lava va nga na ndlala ni torha ra leswo lulama, hikuva va ta xurha." Nakona ndza khongela, Xikwembu, leswaku U ta tumbuluxa ndlala ya leyo etimbilwini ta vona.

Votala, Hosi, va fanerile kuva na ndlala; va nga chayerisa ku yini madzana lawa ya timayili, e ayisini ni hinkwaswo, nile tintshaveni leti ti nga na mpfula, niku tsemekanya mananga, leswaku va ta eka xindhawani lexi lexintsongo lexi nga tshama lahwani ekhoneni! Nakona ndzi ehleketa nakambe leswaku, U teri, "Laha Ntsumbu wu nga kona, magama ya ta hlengleletana kona." Hi phamele, Hosi, hi Mana ya Wena ya Matimba. Nyika mimoya ya hina leswi hi swi lavaka hakunene. Hi ni torha ra Wena, Tatana. Hile mavokweni ya Wena sweswi.

¹⁴⁹ Pfumelela Moya lowo Kwetsima lowukulu lowu wu nga xikela ehansi entshaveni ehenhla lahayla siku rin'wana, ndza

pfumela leswaku U ta xurhisa mbilu yin'wana na yin'wana leyi nga lahawani hi vukahle bya Yena na tintswalo, hi ku twisisa. Hi swi tekerile enhlokweni, Tatana, leswaku leswi hi swi lavaka, i ku twisisa. Hikuva loko hi nga switivi leswi hi swi endlaka, xana hi ta switivisa ku yini ku swi endla xana? Kambe hi boheka kuva na ku twisisa. Tani hilaha Daniel a nge teri, u vile niku "twisisa hi Ntsalo wa muprofeta Yeremiya." Nakona, Tatana, hi ni ku twisisa hi Ntsalo wa Moya lowo Kwetsima, tani hilaha A nga ta hi paluxela Rona eka awara leyi. Hi nyike, Hosi, ku navela loku hi nga na kona ka Wena. Hi ku olova ha swikombela leswi, Tatana, hikwalaho ka kukwetsima ka Wena, hi Vito ra Yesu Kreste.

¹⁵⁰ Sweswi ha ha korhamisile tinhloko ta hina. Tani hi sesi wa hina loko a ha kuma khodo ya leri, "U ta ndzi nyika tintswalo niku kwetsima, kutani a famba na mina endleleni hinkwayo." Ndzi milava mi khongela mi ngabi huwa sweswi kutani hi kombela Tatana wale Matilweni leswaku A mi nyika swona, madyambu lawa, leswi mi nga na swilaveko na swona.

¹⁵¹ Buti la rhandzekaka, sesi la rhandzekaka, ntsena U le kusuhi tani hi voko ra wena. Wena, u ndzi pfumerile eka—eka swin'wan swilo, ndzi pfumele nale ka leswi. U kona ku ta ku nyika leswi u swilavaka.

¹⁵² Oho, kuringana mavhiki mantsongo lawa ya hundzeke ndzi ri nandlala, ndzi ri na torha, ndzi ri na ku navela ekaya, ku ta mi vona. Hi xona xivangelo xa kuva ndzi teri, "Billy, a hi yi ekaya."

Meda a ku, "Hikwalaho ka yini u lava ku tlhelela endzhaku lahaya, eka tiko lero ro titimela nakambe, Bill? Minkarhi hinkwayo u va na swilondza eminkolweni na swin'wana. U tshamela ro huma, na mukhuhlwanu wa nhloko, nakona u va u ri na rito ra mavharavhara, kutani u tikeriwa ku vulavula."

¹⁵³ Ndzi ku, "Kunene, a ndzi switivi." Ndzi ku eka yena... Ndzi vona munghana wa mina, Charlie Cox, u tshamile endzhaku lahaya. Ndzi ku, "Ntsena ndzi hisekela ku twa Charlie loko a ku, 'Maxinjani nyana xexo xi nga gonya murhi luwani wu nga lahaya.' Ntsena ndzi titwa ndzi ri na ndlala yo twa sweswo." Ntsena ndzi—ndzi lava ku—ndzi lava ku rhendzeleka na wena.

¹⁵⁴ Ndza switiva leswaku Makwerhu Banks u vabya swinene. Kutani ndzi vonile xivono xa yena, kwallahawani ku ngari khale ngopfu, kutani a ganamile hi nhlana wa yena. Nakona ndza switiva u tata ekusuhi na hina hi ku saseka a famba na hina, sweswi. Loko ndzi languta eka ku hambana ka van'wana va n'wina...

¹⁵⁵ Ndzi nghenile madyambu man'wana, eka nhlengeletano ya Christian Business Men, kutani misava hinkwayo. "Phop" wa khale Shakarian, tatana wa Demos, a toloverile

ku tshama lahaya nakona a tshamela ro languta ku fikela laha ndzi nghanaka, kutani u ta n'wayitela, kutani na ku yimisa nyana voko u ta ndzi yimisela. A nga hari kona lahaya. A fambile.

Kutani a ndzi fanele ku ta eka ndyangu wa lowo, na LESWI HOSI YI SWIVULAKA, nhwana wa vona u ya ekufeni, na yena. Florence, ndzi n'wi vonile eka xivono, ndzi n'wi vonile loko a famba. Nakona ndza switiva leswaku wa famba. Kutani ndzi ku, "Khongela, ntsena khongela. Wa switiva leswaku ku ni... Muprofeta siku rin'wana u byeriwe ku ya byela hosi leswaku a lulamisa timhaka ta yindlu ya yena. Kutani u khongerile, kutani Xi hlayisa vutomi bya yena, khume ntlhanu wa malembe." Ndzi ku, "Khongela."

¹⁵⁶ Kambe, mi languta, kutani ndzi—ndzi vuya...ndzi tshamile lahawani eka rhestuwarent, siku rin'wana, ndzi ri eku dyeni. Munhu u tile eka mina, a fika a ku, "Hi wena Billy Branham xana?"

Ndzi ku "Ina."

¹⁵⁷ Kahlekahle a nga ndzi tivi, hikokwalaho ka xivati *lexi* xa mpandla enhlokweni ya mina. A ndzi ambarile xiphemu lexi xa misisi, ku hambana ni ku tshamela ro huma swilondza swa minkolo hi nkarhi wa nhlengeletano leyi.

Hiloko a ta eka mina, a ku, "Ndzi ehleketa leswaku ndza ku tiva, Billy."

Ndzi ku, "Ina." Ndzi ku, "U mani xana?"

A ku, "Hi mina John Warman."

Ndzi ku, "U njhani Zip?"

A ku, "Billy, u lovile." Aa!

¹⁵⁸ A ndzi ri karhi ndzi rhelela hi yindlu ya khotso; ndzi rhelela ni ya ekutheleni. Loko ndzi rhelela hi yindlu ya khotso, hiloko manana un'wana a ndzi huwelela, kutani a ku, "Xana wa switiva leswaku John u fambile xana?" Kumbe, vito rin'wana. Swi nga ha endleka ku ngari John; Ed, kumbe un'wana. Kutani ndzi ku... a ndzi n'wi tivi wansati loyi. Ndzi titwa ndzi nyumile. Loko ndzi ta ndzi ta lavisia, ni kuma leswaku a ndzi n'wi tivi leswaku i mani.

A ku, "Wa byi tsundzuka vusiku byi n'wana bya munyama loko nambu wu tele hi maganga lahaya, ni tiyindlu tikhukhuriwa, exitarateni xa Chestnut, nakona u ringe vutomi bya wena hiloko u tlulela endhawini u ya teka wansati ni vana van'wana lava ntsongo ku va susa?"

Ndzi ku, "Hi wena xana?"

¹⁵⁹ A ku, "Ndzi—ndzi manana yaluya." A sungula ku rilela n'wana wa yena; ma xitiva xitorhi xa mina. A ku, "Yaloye ndzi

n'wi vitanaka 'n'wananga,' u tekile nakona u na ndyangu." Wa vona? Kutani hi loyi lahawani, u dyuharile a tlhela a va na timpfi; kutani hi mina loyi, na mina.

¹⁶⁰ Un'we ha un'we, makhadi ya hina ya suka e rhageni, tani hilaha a swi ri hakona. Nakona hi na tinhlenegetano, kutani ndzi hupile *leyi*, ndzi hupa ya *leyo*. Hinkwerhu hi ta eku nyamalalen, eka rin'wana ra masiku lawa.

Kambe, buti, sesi, ku ni Ndhawu yo hlengeletana kona. A hi veni na ntiyiso sweswi wa leswaku hi kahle. Mi ta swi endla? Mi nga pfumeleli ku twisia ka hina hinkwako ka Xikwembu, ni kuya emahlweni, kuva swa hava. A hi pfumeleni.

¹⁶¹ Tatana, vale mavokweni ya Wena. Na mina ndzi le mavokweni ya Wena, Hosi. Ntsena hova kwalahawani ku ta tinyikela sweswi, ku nga siva na nhlengeletano leyi yi taka yi nga ta sungula madyambu ya mundzuku. U ta hi pfuna, Hosi? Leswaku—leswaku kuvulavurisana ka hina ku ngava ehenhleni ka Wena! Leswaku timbilu ta hina na miehleketo swi nga tshama ehenhleni ka Wena, nakona U teri U ta hi hlayisa endhawini leyi nga tshamiseka. Nakambe swi tsariwile eBibeleni, "Mi nga tshembheli eka ku twisia loku ku nga ka n'wina." O Xikwembu, a hi lavi ku twisia ka hina; hi lava ku twisia ka Wena. Hi nyiketi swona, O Xikwembu. Kutani leswaku mpfuxelelo wu nga hata emimoyeni ya hina ku fikela laha ntlawwa lowu wa vanhu wu vaka mbilu yin'we ni moyo wun'we. Hi nyike swona, Tatana. Hi nyike swilo leswi, loko ha ha khongela hi Vito ra Yesu Kreste.

Ku fikela laha moyo wa mina wu vutliwaka
wu ya kuma

Ku wisa etlhelo ka nambu.

Exihambanweni, exihambanweni,
Laha ku kwetsima ka mina—... (yimisani
mavoko ya n'wina) ... hilaha ku nga heriki;
Ku fikela laha moyo wa mina wu vutliwaka
wu ya kuma
Ku wisa etlhelo ka nambu.

Yesu, ndzi hlayisi exihambanwini,
Ku ni xi hlovo lexo saseka,
Xi ntshuxekele... (ina, Hosi, xi ntshuxekile)
... xinambyana lexi hanyisaka,
Xi khulukaka kusuka exihlobyeni xale
Xihambanweni.

Exihambanweni, exihambanweni,
Laha ku kwetsima ka mina ku nga kona;
Ku fikela laha moyo wa mina wu vutliwaka
wu ya kuma
Ku wisa etlhelo ka nambu.

¹⁶² [Makwerhu Branham a sungula ku hama *Ekusuhi Ni Xihambano*—Muhleri.] O Xikwembu! Loko kuri ni van'wana va n'wina lava va titwelaka leswaku va nga tlakuka va ta khizama ku rhendzeleka hi altari, loko mi swi tsakela ku ta, mi ku, “A ndzi kona laha a ndzi fanele kuva kona, Hosi. Ndzi—ndzi lava ku kombela ku rivaleriwa. Ndzi lava ku swi endla madyambu lawa, Hosi.” Ma amukeleka ku ta. Hi tava lahawani ku ta khongela na n'wina. [Makwerhu Branham a ya emahlweni ni ku hama *Ekusuhi Ni Xihambano*.]

Exihambanweni, exihambanweni,
Oho, laha ku kwetsima ka mina ku nga kona;
Ku fikela laha moya wa mina wu vutliwaka
 wu ya kuma
Ku wisa etlhelo ka nambu.

Yesu, ndzi tshuneti ekusuhi na xihambano,
Ku ni xihlovo lexo saseka,
Xi ntshuxekele hinkwavo, xinambyana lexi
 hanyisaka,
Xi khuluka kusuka exihlobyeni xale
 Xihambanweni.

Exihambanweni, exihambanweni,
Laha ku kwetsima ka mina ku nga kona;
Ku fikela laha moya wa mina wu vutliwaka
 wu ya kuma
Ku wisa etlhelo ka nambu.

¹⁶³ Ntsena a hi khongeleni, un'wana na un'wana hi ndlela ya yena sweswi. Ntsena—ntsena rivalani hi nkarhi. Ntsena a hi korhamiseni tinhloko ta hina eVukonene bya Yena. Wansati lontsongo loyi a nga lahawani, a huwelelaka a ku, “Ndza Ku rhandza, Yesu!” Wa tsundzuka loko u ta ponisiwa, malembe yo tala lawa ya nga hundza, wa ku tsundzuka ku nandziha loku a kuri eka wena? Wa ha tsokombela na madyambu lawa. A hi khongeleni, un'wana na un'wana hi ndlela ya yena sweswi. Ntsena a hi—ntsena a hi tinyikeleni vuinha hinkwerhu eka Xikwembu, ntsena kuva hi tinyikela eka Hosi.

¹⁶⁴ Hosi Yesu la rhandzekaka... [Xivati lexi nga riki na nchumu eka thepi—Muhleri.]

Xinambyana xa ku chaveleleka ka mina
 hinkwako,
Swi tlula vutomi eka mina,
Ndzi ngava yini emisaveni handle ka Wena?
Kumbe ku ngava mani eTilweni handle ka
 Wena?

Xikwembu lexi rhandzekaka, ha khongela sweswi leswaku tintswalo ta Wena ni ntwela—vusiwana swi ta rhumeriwa ehenhleni ka un'wana na un'wana wa hina, Hosi. Hilahawani ku rhendzeleka hi altari. Votala a va tanga; U ta

hlangana na vona eswitulwini swa vona. Hambi hi nyikela yini, Hosi, Wa swinavela ku swi amukela. Loko ntsena hi Ku nyikela nkarhi wa hina, U ta wu amukela; talenta, U ta yi amukela. Kambe, Hosi Xikwembu, madyambu lawa hi famba endzhaku ka sweswo, hi nyikela hinkwaswo leswi hi nga na swona. Hinkwabyo vumina, hinkwaswo leswi ndzi nga tshama ndzi swi langutela ku va xiswona, hinkwaswo swile ka Wena, Hosi. Ha khongela leswaku U ta swi teka leswi, swikhongelo swa hina, swi va embilwini ya Wena, Hosi, u tlhela u hi nyika hinkwako ku enta ka Moya lowo Kwetsima, leswaku vutomi bya hina byi ta ncinka. Hikuva, ha swivona leswaku hile kusuhi ni makumu sweswi. A ku nge hevi nkarhi wo leha. Kutani tani hilaha hi vonaka varhandziwa va hina va fambaka, siku na siku, lavantsongo ni lavakulu, ha switiva leswaku ku ngari khale ku ta boheka ku gongondza erivantini ra hina. Kutani madyambu lawa, Hosi, loko ha hari ni miehleketo leyinene ya hina, ha ha tshamile lahawani, kumbe ku khizama lahawani, kuva hi yimile lahawani, hambi ku ngava kuri ndhawu yihi laha hi nga kona, hi amukele, Hosi Xikwembu.

¹⁶⁵ Ndzi teki, Hosi. A ndzova nchumu, kambe leswi ndzi nga xiswona, Hosi, loko U nga ha kuma ku ndzi tirhisa, ndza tinyikela eka Wena.

¹⁶⁶ Ndza khongela, Xikwembu lexi rhandzekaka, eka un'wana na un'wana wa lava. Vanhu lava va rhandzekaka lava ndzi nga yima halahaya tintshaveni ta Arizona ndzi vulavulela ha swona, kutani hilava lahawani vakhizamile na hina kurhendzeleka hi altari madyambu lawa, ha khongela, hi nyikela vutomi bya hina. Ha ku rhandza, Tatana, kutlula vutomi lebyi byi nga bya hina. Hi Ku rhandza ku tlula mindyangu ya hina. Hi Ku rhandza ku tlula nsati, vana, tatana, manana, sesi, buti, nuna, nsati. Ha Ku rhandza, Hosi Yesu. Swi endli swi hetiseka etimbilwini ta hina, Hosi. Chela mafurha ya ntsako, vhiki leri, Hosi, emimoyeni ya hina. Hi hlambisi, ku hlambisiwa hi Rito, hi mati ya Rito, u hi avanyisela Ntiyiso.

¹⁶⁷ Votala lahawani madyambu lawa, Hosi, kutani va tava lahawani, lava va nga hakaseleka eka nhloko-mhaka leyintsongo. O Xikwembu, pfulela xihlovo xexo endlwini ya Xikwembu, xexo—xexo xi nga ta hi basisa. Ndza khongela, Xikwembu, leswaku U ta hi hlantswa u hi basisa hi Ngati ya Wena, kutani u hi endla swivumbiwa leswintshwa. Kutani u hi nyika tintswalo ni ntamu, leswaku hi tisa Rito ra Ntiyiso eka nhlavutelo wa Rona wa Matimba ya Xivumbiwa xa Yesu Kreste.

Leswaku A nga ha humelela emahlweni ka hina, Hosi. Leswaku A nga ha ta a ta horisa vuvabyi bya hina, hi rivaleli

swidyo ho swa hina, xurhisa timbilu ta hina leti ti nga na ndlala hi nhloto lowukulu wa ntsako, Evhangeli yi kombisiwa evuton'wini bya hina.

Katekisa mufundhisi un'wana na un'wana, musumi un'wana na un'wana, mudyondzisi un'wana na un'wana wa xikolo xa Sonto. Hi katekisi hinkwerhu, kun'we, Hosi, hikuva hi nttyiso ha Ku rhandza. Nakona sweswi hi va Wena, Hosi, eka ku tinyikela loku. Hi Vito ra Yesu Kreste, hi tirhisi sweswi kuya hi ku rhandza ka Wena N'winyi.

Ripfumelo ra mina ri languta ehenhla eka Wena,
Wena Xinyimpfana xa Xihambano,
O Muponisi wa Matimba;
Sweswi ndzi yingisi loko ndza ha khongela,
Susa hinkwabyo vudyoho bya mina,
O ndzi pfumeleri kusuka eka siku leri
Ndzi va la kwetsimaka wa Wena!

Ma swi rhandza sweswo? A hi ri yimbeleli nakambe.

Loko tindlela to tala ta munyama ndzi ti
kandziyela,
Ni ku hangalaka ka maxangu lawa ya nga
ndzi rhendzela,
Oho, akuve Wena Muleteri wa mina;
Hundzula munyama kuva siku,
Sula mihi loti ya nhlomulo yi suka,
Kumbe ku ndzi pfumelela ku pepetseka
Eka tlhelo ra Wena.

Xana sweswo swi mi endla mi titwa kahle xana?
[Nhlengeletano yi ku, "Amen."—Muhleri.] I va ngani va tsakelaka ku yimbelela tinsimu ta xikhale xana? ["Amen."] Ntsena ndza ti rhandza. N'wina ke?

Oho, hi macha hi ya Zion,
Ro saseka, Zion ro saseka;
Hi macha hi ya ehenhla eZion,
Doroba lero ro saseka ra Xikwembu.

Oho, hi macha hi ya Zion,
Oho, ro saseka, Zion ro saseka;
Hi macha hi ya ehenhla eZion,
Doroba lero ro saseka ra Xikwembu.

Tanani, hina hi rhandzaka Hosi,
Kutani a hi tiviseni ku tsaka ka hina,
Joyinani risimu hi moyo wo tsokombela,
Joyinani risimu hi moyo wo tsokombela,
Kutani hi rhendzela Xiluvelo,
Kutani hi rhendzela . . .

Sweswi, a hi yimeni sweswi loko ha ha ri yimbelela. Mi tlhavulana mavoko na un'wana.

Hi macha hi ya Zion,

A xi ku katekisi, sesi! A xi ku katekisi, sesi! A xi ku katekisi, buti! A xi ku katekisi, sesi! [Makwerhu Branham a ya emahlweni ni ku xeweta vanhu—Muhleri.]

Doroba ro saseka ra Xikwembu.

A hi yimiseleni Xikwembu mavoko sweswi.

Oho, hi macha hi ya Zion,
Ro saseka, Zion ro saseka;
Hi macha hi ya ehenhla eZion,
Doroba lero saseka ra Xikwembu.

Oho, hi macha hi ya Zion,
Oho, ro saseka, Zion ro saseka;
Hi macha hi ya ehenhla eZion,
Doroba lero saseka ra Xikwembu.

Xana sweswo a swi mi endli mi titwa kahle xana? [Nhlengeletano yi tsaka—Muhleri.] Mina, mina! Oho, ntsena a hi yimiseni mavoko ya hina hi Xi dzunisa hi ndlela leyi yi nga ya hina.

¹⁶⁸ Hosi Yesu, Wena Xiluva xa Saroni, Nkonhwa wa Nkova, wena ku Vangama na Nyeleti ya ni Mixo, ku Hetiseka ka khume ra madzana eka moyo wa mina. Wena Xinambyana xa ku Chavezeleka ka mina hinkwako, u tlula vutomi eka mina! Hilaha hi Ku rhandzaka ha kona! Hi yingisi, O Hosi. Hi Ku khensa njhani! Oho! [Xivati lexi nga riki na nchumu eka thepi—Muhleri.] Hi Ku dzunisa njhani! Va katekisi lava, Hosi ya hina yo hlawuleka ni Muponisi! Hi nyike swilo leswi, Hosi. Hi nyike. [Makwerhu Branham na nhlengeletano va ya emahlweni va khongela ni ku dzunisa Xikwembu.]

Ekusuhi na xihambano,
Laha ku kwetsimaka ka mina ku nga kona;
Ku fikela laha moyo wa mina wu vutliwaka
wu ya kuma
Ku wisa etlhelo ka nambu.

¹⁶⁹ Hi ndlela yin'wana, yin'wana, ndzi titwa hi ri ekufambeni... Ku ni swin'wana swi nga tshama emahlweni ka hina. Sweswi, ntsena tsundzukani, ndza pfumela leswaku ndzi le ku profeten. Ntsaku lowukulu wu lahaya emahlweni. Swi pfumeleni. Hi swona sweswo. Timbilu to tala ta xitshuketa ti ta endliwa... Swihundla leswikulu swi ta endliwa swi va erivaleni, ni vanhu lava va nga na vusiwana va ta ncinciwa vava entsakweni. [Nhlengeletano yi tsaka—Muhleri.]

Ekusuhi na xihambano, exihambanweni,
Laha ku kwetsima ka mina ku nga kona;
Ku fikela laha moyo wa mina wu vutliwaka
wu ya kuma
Ku wisa etlhelo ka nambu.

¹⁷⁰ Tani hi Yohana wa khale, loko a dyuhala eku chumayileni, a ta tshama ntsena a huwelela, va ndzi byela, leswaku hi matimba ya yena hinkwawo, "Vana lavantsongo, rhandzani un'wana!" Rhandzani un'wana. Mi nga pfumeleli nchumu xi ta exikarhini ka n'wina, wa vona. Hlayisani hinkwaswo, hinkwaswo swi suka eka... Ahaa, a swi khathaleki leswaku i yini, swi kongomeni. Hi le ndleleni yo ya eNiniva. Wa vona? Mi nga ngheni eka xikepe xexo xo ya eTarshish, lexi xi mi humesaka entlaweni. A hi yeni emahlweni hi xinambyana xa minkateko ya Xikwembu. Ndza pfumela leswaku hi tava na xona. Ndza n'wi pfumela Tatana wa hina.

¹⁷¹ U titwa ku antswa sweswi, sesi? Swi kahle sweswo. Yaleylo hi yona ndlela leyi ndzi tsakelaka ku vona vana loko va tswariwa, lava va taka. [Sesi a ya emahlweni niku khongela ni ku tsaka—Muhleri.]

Ntsena ndzi nga ha ehleketa hi malembe lawa ya nga hundza, kona eka misava leyi, i magidi mangani lawa ya nga tswariwa eMfun'weni wa Xikwembu, kwala misaveni ya leyi. Hi swihi swintsongo hi switivaka, loko ha ha yimile lahwani na tlhanu wa macheleni na manharhu eswikhwameni swa hina, ku aka kereke hi yona! Oho, U teri, "Mina Hosi hi mina ndzi nga wu byala; Ndzi ta wu cheleta nhlikanhi na vusiku." Nakona Xi swi endlile. Xi swi endlile.

Xikwembu a xi mi katekisi. Sweswi loko ha ha korhamisa tinhloko ta hina...

¹⁷² Sweswi, madyambu ya mundzuku, tsundzukani, xikhongelo xi ta khomeriwela lahwani eka odithoriyamu ya xikolo lahwani. Nakona loko... Hi ta kuma un'wana a swi damarheta lahwani, ku kombisa vanhu hilaha va nga ta nghenisa xiswona, hikuva kutava kuri karhi ku nghena na lavantshwa.

¹⁷³ Ma N'wi rhandza xana, mi nge, "Amen." [Nhlengeletano yi ku, "Amen."—Muhleri.] Oho, A nga kahle xana? ["Amen."]

¹⁷⁴ A ndzi yimile ehansi lahwani eribuweni, ni yimbelela risimu lero ra khale:

Eribuweni ra moya wa nambu wa Yordan
ndza yima,

Ehleketani, sweswo a swi ri swa malembe ya makume nharhu lawa ya nga hundza, makume nharhu-nharhu, malembe ya makume nharhu-nharhu lawa ya nga hundza.

Ni ku cukumetela tihlo ro navela,
E Kanana wa kahle tiko leri tsakeke,
Laha rifuwo ra mina ri nga kona.

Kutani votala ndzi va khuvurile, madyambu ya lawa, va kona kwalahaya sweswi. Loko, va tava va yimile niku mbhoniyela Nyeleti ya leylo ya ni Mixo yi xikelaka ehansi yi

huma ematilweni, yi endla xirhendzevutani tani hi sweswo, yi ku, "Tani hi Yohana Mukhuvuri loyi a rhumeriweke ku tisa, ku ta basisa ku ta ro sungula ka Kreste, Hungu ra wena ri ta basisela ku Vuya ra vumbirhi." Swi nga ehleketiwa njhani? Kambe, hinkwawo Marito ya Xikwembu ya ntiyiso, hinkwawo Marito ya Xikwembu. Hi hanya eVukoneni bya Hosi leyikulu. Xikwembu a xi mi katekisi.

¹⁷⁵ Loko ha ha korhamisa tinhloko ta hina, ndzi ta kombela Makwerhu Neville, mufundhis wa hina wo hlawuleka, leswaku ata a ta hi ntshuxa hi xikhongelo. Xikwembu a xi ku katekisi, Makwerhu Neville.



WANUNA LOYI A BALEKELAKA VUKONA BYA HOSI TSO65-0217
 (A Man Running From The Presence Of The Lord)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Wavunharhu ni madyambu, Nyenyenyan 17, 1965, eBranham Tabernakele eJeffersonville, Indiana, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

TSONGA

©2013 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
 P.O. Box 178, SOMERSET WEST, 7129 CAPE PROVINCE,
 REPUBLIC OF SOUTH AFRICA

VOICE OF GOD RECORDINGS
 P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org